

XIKOMBISO XA LE HENHLA

 [Makwerhu Neville a ku, “. . . ku vuyeriwa loku Xikwembu xi nga hi tisela kona hi ministri na rirhandzu ra wena. Laha, eka nkarhi lowu, hi nga ta tsakela ku swi kombisa, hi ndlela leyintsongo, hi ku ku nyiketa nyiko leyintsongo.”—Muhleri.] Ndza ku khensa, Makwerhu Neville. [“Ingaku minkateko ya Xikwembu yi nga wisela ehenhla ka wena, makwerhu la rhandzekaka.”] Ndza ku khensa, swinene ngopfu, Makwerhu Neville.

² Na n’wina ndza mi khensa, kereke. Ntsena a ndzi swi tivi leswaku ku na yini endzeni ka swona. Kambe ndza khensa, hi mbilu ya mina hinkwayo, hinkwaswo leswi mi nga swi vula eka mina, na swilo leswi mi nga ndzi endlela swona. Nakona loko a ku nga ri n’wina, a ku nga ta va na mina. Loko a ku nga ri na un’wana la pfumelaka Hungu leri Xikwembu xi ndzi nyiketaka rona ku va ndzi ri chumayela, a swi nga ta pfuna nchumu ku Ri chumayela. Ku fanele ku va vambirhi va hina, va tirhisanaka swin’we. Swingaleswi, ndza swi khensa leswi swinene ngopfu.

³ Kereke ya hina hi minkarhi hinkwayo yi na, yo tala kumbe yintsongo, exikarhi ka hina lahawani, misavu. Sweswi, loko ndzi nghena, ntsena swinkadyana leswi nga hundza, ekamareni ya le ndzhaku, un’wana u ndzi nyiketile phasele, kutani a ku, xana ndzi nga ya eka platifomo kutani ndzi nyiketa *leswi* eka Makwerhu Neville. Hi ku khensa matitwele ma mina eka yena, na xinakulobye xa kereke leyi, na leswi a nga swi vula eka hina lembe leri, tani hi mufundhisi eka malembe lawa ya nga hundza, na mintshembho na swikhongelo swa leswaku u ta ya emahlweni a va mufundhisi wa hina eka malembe yo tala lawa ya nga ta ta, mfungho ku suka eka kereke na mina n’winyi, Makwerhu Neville.

⁴ [Makwerhu Neville a ku, “Ndza mi khensa, swinene ngopfu, hinkwenu ka n’wina. Xikwembu xi mi katekisa. Kunene ndza swi khensa swilo swa malwandla na ku pfuna loku ku nga kongomisiwa eka mina ku suka eka un’wana na un’wana eka nhlengeletano. Nakona kunene, mixo lowu, ndzi twa ehansi emakorhwени ya moy-a-xiviri wa mina leswaku un’wana na un’wana wo hetelela wa hina hi khensa hi vuenti eka Makwerhu Branham eka leswi a nga swi vula eka hina, na ministri wa yena. Nakona ingaku Xikwembu xi nga n’wi humelerisa na ku n’wi katekisa loko a ri karhi a ya emahlweni hikwalaho ka Hosi lembe leri, i xikhongelo xa mina xa ku tshehbeka. Ndza mi khensa, swinene ngopfu. Hakunene ndza swi khensa. Hinkwaswo swi lulamile.”—Muhleri.]

⁵ Vana lavantsongo, hinkwaswo swi lulamile, ndzi ehleketa leswaku vanakulorhi lavantsongo sweswi va lava ku ta etikamareni ta vona—ta vona. [Makwerhu Neville a ku, “Sweswo swi lulamile.”—Muhleri.] Nakona sweswi tsundzukani, mi va swinhwanyetana na swifanyetana swa kahle, le handle ekamareni mixo lowu. Hikuva, endzhaku ka xikhongelo, ndzi ehleketa leswaku swi languteka tani hi loko ku ri na swin’wana swi nga salela n’wina lahawani, hi nyiko.

⁶ Sweswi, eka vatswatsi, tanahi leswi mi swi vonaka leswaku nhlayo ya vanakulorhi lavantsongo va hina—va hina va—va nhlayo leyikulu, hi languterile hi vuhisiki kukondza ku fika nkarhi lowu hi nga ta va na kereke yintshwa laha hi nga ta hambanyisa titlilasi letiya.

⁷ Sesi Arnold wa hina hakunene u na—na voko ro tala; ku nga ri xandla xo tala, kambe voko ro tala. Nakona xinhwanyetana xa mina a xi ri karhi xi ndzi byela. Xi ku, “Papa, swi nonohwa ngopfu eka Sesi Arnold.” Xi ku, “Hikuva, u ta va a ri karhi a vulavula na hina hi ririmisleri hi nga ri twisia, kutani n’wana lontsongo u ta endla swin’wana, nakona u ta boheka ku yima kutani a va lulamisa, wa swi vona.” Swingaleswi swi endla leswaku swi nonohwa eka wansati loyi un’we ku va na tlilasi leyi hinkwayo. Swingaleswi ha n’wi khensa, na ntirhisano wa yena—wa yena wa kahle wa ku endla leswi a nga swi kotaka eka nkarhi lowu wa xilaveko. Hosi yi n’wi katekisa.

⁸ Sweswi hi na ntshembho, siku rin’wana, ku nga ri khale, loko Hosi yi swi rhandza, ku va na tabernakele ya kahle leyikulu laha hi nga ta va na tinxaka hinkwato ta tikamara ta xikolo xa Sonto eka titlilasi. Ta swihlangi leswintsongo, na grafu ya lapi; naswona yi va na le henhla ka phuluphit, ehenhla ka *leswi*, ndzhawu leyikulu yo mamisela kona ya nghilazi, laha muongori loyi a nga leteriwa a nga ta va kona ku ta khathalela lavantsongo hinkwavo. A ku nge vi na ku kavanyeteka eswikhongelweni, na swintsongo, ku famba-famba na ku ba swingingi hi ku rhendzeleka. Vanakulorhi lavantsongo a va tshamiseki, naswona a va twisisi. Va fanele ku twisia vona. Hina va nga ka va nga hi twisisi. Swingaleswi, manuku, ndzhawu leyi swilo hinkwaswo swi nga ta va ntsena hi ndlela leyi ndzi pfumelaka leswaku Hosi yi ta lava leswaku hi yi endla. A hi nge vi ya manyunu, kambe kereke ya kahle. Hi yi languterile yaleyo.

⁹ Sweswi, eka Makwerhu Neville na mina, ndzi kokile mavonele, leti a ti ri tisuti ta swiambalo. A ndzi swi tivi, Makwerhu Neville. [Makwerhu Neville a ku, “Teto, kumbe swin’wana.”—Muhleri.] Ndzi—ndzi ehleketa leswaku hi ton. A ndzi na ntiyiso. Hikuva, swi languteka kukotisa bokisi ra suti, eka mina. Xana a wu titwi hi ndlela leyi fanaka hi swona-ke? Ahaa. Nakona ku nga va ku ri tisuti kumbe majasi. Nakona ndzi—ndzi... Ha vumbirhi ka swona swi languteka swi fana,

swingaleswi swi—swi ya eku kombiseni ka leswaku a ku na ku ya hi ngorhe lahawani. [“Amen.”] Kutani, swingaleswi, ndzi na jasi. Nakona ndza swi tiva leswaku va—va... A hi jasi. Swingaleswi swi... U na rona, na wena, swingaleswi ku fanele ku ri suti. Nakona ntsena swi... Ntsena ha swi khensa leswi swinene ngopfu! [“Amen.”]

¹⁰ Nakona ndzi na ntiyiso, leswaku, tani hi vafundhisi, varisi... Rito *mufundhisi* ri vula “murisi, loyi a risaka tinyimpfu.” Ndzi na ntiyiso leswaku hakenene hi na ku khensa eka n’wina, un’wana na un’wana wa n’wina, hikuva a ku ri—a ku ri malwandla na mianakanyo ya n’wina, na mali, leswi swi nga endla leswaku nyiko leyi yi koteke eka hina mixo lowu. Nakona hi tintswalo ta Xikwembu, hi le ku tshembhiseni hina vinyi ku va vafundhisi va n’wina, ku endla hinkwaswo leswi hi nga ta swi kota ku mi fambisa hi ndlela yo lulama. Kumbexana, minkarhi yin’wana, ndlela leyi hi vulavulaka hakona na swin’wana, yi nga va yi nonohwa ku yi twisia. Kambe hi swi endla ntsena tani hi valeteri, ku ringeta ku mi letela ku ya eka Ndzhawu liya, leswaku, eku pfukeni ka vafi mi ta hi khensa hilaha kukulu hi nkarhi wa kona. Hikuva, a hi titekelanga enhlokweni hina vinyi, hi ku vumbelela loko hi vulavula na n’wina, ku nga ri hi swa mianakanyo ya hina vinyi, kambe ku ringeta ku endla ntsena tanahi laha Moya lowo Kwetsima wu hi susumetaka ku swi endla. Nakona sweswo i swa hina... swi vile ku tikarhata ka hina. Nakona hi tama ha ha tikarhatela ku endla nchumu lowu fanaka, sweswo swi lulamile, eka mufundhisi na mina n’winyi.

¹¹ Ha khensa ku vona masana. Doc, makwerhu wa mina, a ri karhi a vula leswaku u rhumerile rito eka Makwerhu Frankie Weber, eFlorida, a ku, “A hi yena ntsena la nga humelaka ehandle hi Khisimus kutani a hlantswa xisiva-moya, xa movha ya yena, hi mavoko ma hembe ya yena.” A ri karhi a endla nchumu lowu fanaka, a kufumela swonghasi! Kunene, wa swi tiva leswaku Florida ra karhala hi masana, ri langutisa Florida nkarhi hinkwawo, swingaleswi ri fanele ku ta eIndiana ri ta vona hilaha hinkwaswo swi fambaka hakona lahawani. Xana a mi ehleketi tano-ke? [Nhlengeletano yi ku, “Amen.”—Muhleri.] Swingaleswi, hi tsakile ku va ri hi endzerile, ntsena—ntsena swa xinkadyana, mixo lowu.

¹² Kambe, ehenhla ka swilo hinkwaswo, hi khensa Rivoni ra N’wana wa Xikwembu, leri ri hi nyiketaka ku hatima ka ntsako lowu hetisekeke wa hilaha ku nga Heriki.

¹³ Ndza tivutisa loko mufana lontsongo, loyi a nga ha ku nghena, a nga lava ku tshama na vatswari va yena. Kumbe, ku na ttilasi ya xikolo xa Sonto le ndzhaku, nakulorhi lontsongo, loko u nga tsakela ku ya le ndzhaku. Makwerhu Taylor, xana u nga kongomisa njhingha leyintsongo etlilasini. Sweswo swi kahle.

Minkarhi yin'wana va tsakela ku va na va vona vinyi, wa swi tiva. Vona, va na swilo leswi fanaka, leswi va tsakelaka ku vulavula hi swona. Nakona swi kotisa sweswo.

¹⁴ Xinhwanyetana xa khumembirhi wa malembe, tanihi laha a ndzi tala ku swi vula, loko u vona lexintsongo xa nhungu-, nkaye, xinhwanyetana xa khume ra malembe hi vukhale xi ri karhi xi tshama-tshama na kokwana wa xona wa xisati, nkarhi hinkwawo, ku na swin'wana swi nga hoxeka. Wa vona? Ku na—ku na swin'wana swi nga hoxeka, hikuva ku na ku hambana lokukulu swinene eka vukhale bya vona. U nga ha anakanya, kokwana wa xisati u na saka ra malekere kun'wana, laha a nga hoxaka voko ra yena kona. Kutani sesi lontsongo, mahlo lamakulu ma vangama hikwalaho ka saka ra malekere. Hikuva, hi ku fana, a va nga ta va na nchumu xo vulavula hi xona, a ku na nchumu kambe ntsena leswaku a ta n'wi bambatela na ku n'wi mbuwetela. Kambe yaleyo i ndlela leyi swi nga xiswona, nakona hi tsakile leswaku ntsena swi hi ndlela yaleyo.

¹⁵ Kutani ndzi endla xitatimende xexo, ndzi xi endlile nkarhi wun'wana, eka nchumayelo wa xinyimpfana na tuva. Wa swi vona, swi na swilo leswi fanaka. A swi ta vulavula hi swin'wana.

¹⁶ Masonic, Masonic Lodge, va na swilo swo vulavula hi swona, vamakwenu va Masons Lodge; vamakwenu va Odd Fellows Lodge. Majarimani va na swilo, swo vulavula hi swona, eka Majarimani, hi mayelana na ndzhawu ya le kaya, loko Majarimani va hlangana hi xivona lahawani, un'wana ntsena u huma endzhawini ya le kaya. Mantariyani va na swilo swo vulavula hi swona.

¹⁷ Na Vakreste va na swilo swo vulavula hi swona. Hikokwalaho hi hlengeletanaka etindhawini to kotisa ley, etindhawini ta le Matilweni eka Kreste Yesu, hikuva hi vaaka-tiko va Tiko rin'we. Hi vaendzeri na valuveri lahawani, emisaveni ley. Swingaleswi hi rhandza ku hlengeletana kun'we emixweni ley ya savata na minkarhi ya nhlengeletano wa xikhongelo, ku va hi tihlengeleta kun'we, hikuva hi na swilo leswi fanaka. Hi tsakela ku vulavula hi mayelana na leswi fanaka, swilo leswi fanaka, leswi hi swi rhandzaka: Hosi, mintirho ya Yona. Un'wana, embilwini ya vona, a tshwaka hi nchumu wun'wana, Hosi yi n'wi horisile, nakona u lava ntsena ku ti nyiketela kwalahaya, "Ma swi vona leswi Hosi yi nga swi endl!" Un'wana u amukerile nkateko lowukulu, nakona u lava ntsena ku ya ekerekeni, ku ya va na xinakulobye hi minkateko ley na un'wana. Wa vona, hikokwalaho hi nga na swilo leswi fanaka.

¹⁸ Swi tikomba eka mina leswaku mpfumawulo wa antswa ekerekeni, mixo lowu. Swi tikomba eka mina. A ndzi na ntiyiso. Ku na ngulumelo swonghasi lahawani.

¹⁹ Kambe ndzi tsakile swinene hikwalaho ka mimbuyelo ka mpfuxelelo wa vhiki leri nga hundza. Wa vona? A wu nyikanga ku hlohletela ka le kaya ntsena, kambe ku rhendzeleka, hi matiko mo hambana-hambana, hi twile ku suka eka wona, leswaku Hosi a yi ri kahle. Sweswi, loko ntsena ku hisa mabiloho ma khale, ku endla leswaku swilo swi lulamela, na ku nghena eka Hosi, ku lulamela ku amukela minkateko; loko xinkadyana lexiya xi endlile sweswo, xana a swi ta va njhani loko a hi lo ya emahlweni-ke? Wa vona? Swingaleswi, hi nga swi pfumeleli swi fa. Ntsena yana emahlweni u chela swingolongondwana swo tala, nkarhi hinkwawo, kukondza swikombiso swa musi swi ta voniwa ku rhendzeleka hi misava, leswaku Yesu Kreste wa hanya, naswona ku na ndzilo lowu pfurhaka etimbilwini ta hina.

²⁰ Endzhaku ka loko ndzi endlile ku tinyiketela lokuntshwa, mina n'winyi, na nsati wa mina, na swin'wana na swin'wana, hi xiyisisile swilo hi ku hambana ku rhendzeleka ekaya. Nakona a hi nga ha ri na rhumbyana kukotisa leswi a hi ri xiswona, ku rhurhumela na ku chava, "A hi nga swi kumi *leswi*, naswona a hi nge swi kumi *leswiya*." Ntsena hi ya eka swona hi miyerile, kutani hi endla leswaku swo tala swi endleka.

²¹ Swingaleswi, sweswi, ku le ku teni ka lembe lerintshwa. Nakona a hi pfumeli eka ku pfula mapapila mantshwa, ntsena hi pfumela eku hisiweni ka ma khale. Swingaleswi tshamani mi tinyikerile eka Xikwembu eka lembe leri taka, a hi swi tivi leswi Hosi yi nga ta hi endlela swona.

²² Kambe ha khensa eka un'wana na un'wana wa n'wina. Ndzi khensa swinene eka Xikwembu hikwalaho ka xirho xin'wana na xin'wana xa Miri wa Kreste, hinkwako-nkwako. Naswona eka swiyimo hinkwaswo swa ripfumelo, swi nga ri na mhaka leswaku va nga kanetana na mina ku fika kwihi, ndzi tama ndza ha khensa ku va munhu un'wana...Hambi loko ndzi nga ehleketa leswaku va nga va na ku hoxisa swintsongo, e'Tsalweni, kambe hambiswiritano va ringeta ku yimela leswi va swi pfumelaka hi matimba. Hakune-nene ndzi tiyimiserile ku tiyisela na vamakwerhu lavaya, na vona va ndzi tiyisela eka swihoxo swa mina na swin'wana, hikuva ku ha va na un'we wa hina a nga hetiseka.

²³ Kambe eka Hungu mixo wun'wana, loko ndzi vulavula hi ku va Xikwembu xi ti ava hi Xoxe hi Pentekosta, emahandzeni ya nkarhi, kumbe eka ntsombani laha a ku fanele ku va na xiboho lexi endliwaka, "I muxaka muni wa Kereke lowu Kereke ley i yintshwa ya Xikreste yi nga ta va wona-ke?" Sweswo hi leswi ntsombani a wu khomeriwe swona. Kutani hi kuma leswaku eka Buku ya Mintirho, kavanyisa ka vu2, hi kuma muxaka wa Kereke ley i nga kunguhatiwa; i muxaka muni wa Kereke, xana Kereke yi ta va yini, xana maendlele ya Kereke ma ta va yini loko yi ta va yi amukerile Kreste. Ndza swi rhandza sweswo. Ndzi le ku

lweleni hi matimba eka Kereke leyи nga tshama yi simekiwa hi Siku ra Pentekosta. Sweswi, a Yi nga twisiseki hi nkarhi luwa, a Yi twisiseki sweswi. Naswona Yi ta va tano, ntsena loko ka ha ri na xidyo emisaveni, na nyimpi leyи faneleke ku lwiwa, yi ta va leyи nga twisisekiki eka valala va hina, kambe hambiswiritano i swilo swo hlawuleka swa Xikwembu leswi hi nga eku swi lweleni hi matimba leswaku Xikwembu xi ta hi endlela swona.

²⁴ Sweswi, switiviso, ndza tshembha leswaku Makwerhu Neville u swi endlile khale.

²⁵ Nakona ku va ndzi ri kaya eka vhiki leri, ku ta khongela na ku lava mombo wa Hosi. Hikuva, eka lembe leri ri taka, hi ku pfuniwa hi Xikwembu, loko ntsena Xi nga ndzi pfuna, ndzi lava ku susumeta nyimpi hi matimba ku tlula hilaha ndzi nga tshama ndzi swi endla evuton'wini bya mina hinkwabyo. Nakona kumbexana xiave lexikulu xa lembe leri xi ta tirhisiwa emasin'wini ma le matikweni mambe, na le Haiti, na le swihlaleni, na Amerika Dzonga, na Afrika, na Asia, na India, na—na le henhla eScandinavia. Nakona hinkwaswo sweswo swi ta kunguhatiwa vhiki leri, loko Hosi yi ta swi pfumela. Hikokwalaho loko ndzi twa ndzi susumetiwa ku endla nchumu wun'wana na wun'wana kumbe ku ya kun'wana na kun'wana, Hosi yi va yi ndzi rhumile ku endla tano.

²⁶ Kutani loko ndzi chika eka xihaha-mpfhuka, emisaveni, kutani swi tikomba ingaku hi loyi un'wana a taka, kutani a ku, “Oho, dinominexini *leyи* yo karhi yi tihumesile, *leyи* yi endlile leswi, kumbe *leyи* yi hoxisile, kumbe a hi swi kotanga ku endla *leswi*, kumbe mfumo wu vula leswaku hi nga ka hi nga vi na yona nhlengeletano.”

²⁷ Kutani ndzi tsakela ku yima, “Kambe ndzi ta hi Vito ra Hosi.” Nakona ndza swi tiva leswaku yaloye i javulosi, manuku. Wa vona, a hi leswaku, “Xana ndzi endlile xihoxo-ke?” Ndza susumetiwa. Kutani u nga ha yima na makatla ma wena eka vhilwa, kutani u tshirekela nyimpi.

²⁸ Sweswi, loko hi nga se pfula Buku, kumbe ku kombela Xikwembu ku va xi Yi pfula loko hi ri karhi hi Yi hlaya, ndzi nga tsakela ku vula xivangelo xa ku va ndzi ri karhi ndzi tisa Hungu leri eka kereke mixo lowu. I Hungu ra mina ra Khisimus eka kereke. Hi rona . . . loko Moya lowo Kwetsima wu nga ndzi pfuna ku tisa leswi ndzi swi pfumelaka hi mayelana na rona. Sweswi, swi nga ri na mhaka leswaku ri tsariwile kahle njhani eMatsalweni, na leswaku munhu u ri twisia ku fika kwihi, va fanele ku tama va ha tshembhele eka Moya lowo Kwetsima ku ri yisa eka vanhu. Nakona ka ha ku hundza Khisimus, laha mi nga twa switori hinkwaswo swo hambana-hambana swa Khisimus na—na vuhaxi, na swin'wana na swin'wana, swa mahungu ma Khisimus. Leri ri ta va ro hlawuleka swintsongo, eka xitori

xa Khisimusi, kambe hambiswiritano Xikwembu xi ri vekile embilwini ya mina.

²⁹ Kutani sweswi a hi korhamiseni tinhloko ta hina swa xinkadyana, eVukoneni bya Xona na mindzhuti ya vululami bya Xona, ku kombela ntsetselelo.

³⁰ O Xikwembu, Muponisi na Tatana wa hina wo Kateka, hi le ku kongomeni ka xiluvelo xa Wena xa ntsetselelo. Hi Vito ra Hosi Yesu, N'wana wa Wena, ha tinyiketa hi ku titsongata mixo lowu, ku nyikela swikhongelo na ku khensa ka hina eka Wena, eka hinkwaswo leswi U nga hi endlela swona. Eka vhiki leri nga hundza, ngopfu-ngopfu, hilaha timbilu ta hina ti nga va na ndlala, naswona vanhu va titsonile, kutani Moya lowo Kwetsima wu va katekisile, wu endlile swilo leswikulu exikarhi ka hina! Vavabyi va horisiwile. Nakona Xikwembu xi tivisiwile, leswaku Xa hanya, naswona Xi rhandza vanhu va Xona.

³¹ Na leswaku Marito ma tama ma ha ri ntiyiso swinene, ya muprefeta, loko a vulavurile Marito ma Hosi Xikwembu, loko a te, "Loko vanhu lava va nga vitaniwa hi Vito ra Mina va nga tihlengeleta kun'we, kutani va khongela, kutani Ndzi ta yingisa ku suka eTilweni." Marito lawaya ma ntiyiso ntsena tani hi siku leri ma nga rhanga ma vuriwa. Hi kume sweswo swi ri tano, Hosi. Sweswi hi rivalele, ha khongela, eka vudyoho bya hina hinkwabyo, ku kala ku pfumela ka hina hinkwako, loku ku nga vudyoho.

³² Nakona hi nga ha khongela, Hosi, leswaku U ta hi vuyisela ripfumelo leriya ri nga tshama ri fumbisa Kereke liya yo sungula. A hi kombeli mibedo wo olova wa swiluva, kambe hi kombela ntsena tintswalo ta Xikwembu, na Vukona bya Xona, na minkateko ya Xona ku va yi famba na hina. Hambi ku nga va ku ri ensin'wini leyi kumbe ku tsemakanya lwandle, hambi ku nga va ku ri leswo durha, kumbe mibedo yo olova, kumbe hambi ku nga va ku ri emahlweni ka nyimpi, swi nga ri na mhaka leswaku ku nga va ku ri kwihi, Hosi, ku rhandza ka Wena lokuntsongo i ku navela ka hina ko hundzeleta ku tirhela Wena. Ntsena swi veki erivaleni eka hina, O Hosi, leswaku hi ta ka hi nga lahlekerihi hi ndlela, hikuva hi famba eka munyama na ku pfarihi mahlo ka misava, exikarhi ka mabofu ya vudyoho. Swingaleswi, basisa ndlela ya hina, Tatana, naswona u hi fumbisa hilaha U nga swi endlaka, eka tinyimpfu ta madyelo ya Wena.

³³ Pfumelela Murisi wa ntlhambi a fumbisa vanhu va Wena hi ku tsokombela na hi ku titsongahata, tani hi loko hi yimerile Wena mixo lowu eka Hungu ra mixo lowu. Ingaku Moya lowo Kwetsima wu nga vulavulela erivaleni na mbilu yin'wana na yin'wana naswona ingaku hi nga ha khoma xitshwati xa leswi muprefeta a vulavula hi swona, kutani eka sweswo, manuku, hi va na minkateko yo kwetsima ya Vukona bya Xikwembu, ku

tiyisisa Rito rin'wana na rin'wana. Ha swi kombela hi Vito ra Yesu, N'wana wa Wena, Muponisi wa hina. Amen.

³⁴ Ndzi nga ha vutisa vayingiseri va hina mixo lowu, lavaya va nga na Tibibele, loko va nga navela ku hlaya na mina, Matsalwa, kumbe ku ndzi landzela loko ndzi ri karhi ndzi hlaya, loko mi nga pfula Buku ya Esaya. Muprofeta Esaya, na kavanyisa ka vu7, ndzi ta tsakela ku hlaya ku suka eka xiphemu xa Tsalwa. Eka Esaya, kavanyisa ka vu7, hi ta sungula hi mbulavurisano wa Xikwembu eka Akazi, eka ndzimana ya vu10.

Hosi yi engeta nakambe yi vulavula na Akazi, yi ku,

Kombela xikombiso eka Hosi Xikwembu xa wena; xi kombele hambi ku nga va ehansi, kumbe empfhukeni ehenhla-henhla.

Kambe Akazi a ku, A ndzi nga kombeli, hambi ku ri ku ringa Hosi.

Kutani a ku, Yingisani n'wina . . . O yindlu ya Davhida; Xana i mhaka leyintsongo eka n'wina ku karhata vanhu, kumbe mi ta karhata na xona Xikwembu xa mina-ke?

Hikwalaho ke Hosi hi yoxe yi ta mi nyika xikombiso; Vonani, wanhwana u ta tika nyimba, naswona u ta tswala jaha, kutani . . . u ta n'wi thya vito ra Immanuel.

U ta dya phehlwa ni vulombe, leswaku a ta tiva ku ala . . . leswo biha, ni ku lang- . . . langha . . . leswinene.

Kambe loko n'wana a nga si tiva ku ala . . . leswo biha, kumbe ku langha . . . leswinene, tiko rero u ri chavaka ra . . . tihosi letimbirhi ri ta tshikiwa.

³⁵ Loko ndzo fanela ku vula dyondzo yo huma eka leswi, ku koka tsalwa, ndzi nga tsakela ku tirhisa rito: *Xikombiso Xa Le Henhla.*

³⁶ Loko hi va na vusiku byo dzwihala ku tlurisia, nakona swi tikomba leswaku eka . . . minkarhi yin'wana ku dzwiharile ngopfu eka vusiku lebyi laha hi nga swi koteki ku vona mavoko ma hina emahlweni ka hina, ku va ku ri hi nkarhi walowo laha rihati ra foroko ri hatimaka ku tlurisia. Ri rhumeriwa hina ku ta hi kombeta leswaku ku nga ha va na ku vonakala emunyameni.

³⁷ Leswi a swi ri hi nkarhi wa ku fuma ka Akazi, hosi yo homboloka. Nakona loko u xiyisisile, e—e Hosi a yi kalanga yi kongomisa hungu eka Akazi, kambe eka yindlu ya Davhida. “Yingisani, O yindlu ya Davhida! Lexi xi ta va xikombiso.” Hikuva, a va ri enyimpini, vamakwenu ku lwisana na vamakwenu, nakona a swi tikomba ku ri awara yo dzwihala ku tlurisia ya marendzo ya Israel na vuendzeri bya vona. Kambe Xikwembu xi buluserile emahlweni, hi muprofeta, loyi a nga xikombiso xa hilaha ku nga Heriki. Sweswi, swikombiso swi hi minkarhi yo tala . . .

³⁸ Vanhu va na swikombiso. Naswona hi hanya emisaveni leyi nga tala hi swikombiso. Munhu u ringetile ku kuma xikombiso xo karhi. Munhu u ringetile, hi vulavisisi bya yena bya xisayense, hi xifikeleriwa xa yena n'winyi, ku endla xikombiso lexi nga ta va xo hlamarisa, kumbe xitsundzuxo xa vutlharhi bya yena, xa hilaha a nga nkulukumba hakona, kumbe leswaku u muehleketi-nkulu njhani. U endlile sweswo ku rhelela hi malembe.

³⁹ Tani hi xikombiso, loko va vutlharhi bya swa malwandle ya misava, kun'wana ehansi ka dzana ra malembe lawa ya nga hundza, va kunguhatile leswaku va tlharihile swonghasi lero va—va nga nyiketa misava xikombiso xa xikepe xa vona xa mano, leswaku a va ta tiakela xikepe lexi a ku nga ta va na gandlati ro kula ku ringanelu ku xi mbombomerisa. Nakona va vitanile xikepe lexi leswaku i Titanic. A xi ri xitsundzuxo lexi nga tshama nkarhi wo leha eka misava, leswaku vutshila lebyikulu bya vuaki bya swikepe a byi fikile eka ku hetiseka, leswaku a va ta kombisa eka misava leswaku xikepe lexi a xi nga ta mbombomerisiwa.

⁴⁰ Swingaleswi, na hinkwabyo vuhlayiseki ehenhla ka vutlharhi bya vaaki, na mbulavulo wa vona na ku vulavula, na swikhoriwiso swa vona swa xisayense leswaku xikepe lexi a xi nga ta mbombomela! Kutani loko swilo swi nyiketiwile eka vanhu kukotisa sweswo, va—va tikomba va wisa va tiyisekile leswaku swilo hinkwaswo swi lulamile, ntsena loko vulavisisi bya xisayense byi vula leswaku swi kahle.

⁴¹ Swingaleswi a va ri karhi va tsemakanya lwandle hi xikepe lexi, erendzweni ra xona ro leha, naswona va ri karhi va titwa va hlayisekile swonghasi lero a ku nga ri na nchumu lexi a xi ta va vavisa, va endlile nkhuvo lowukulu wa vudakwa. Nakona hinkwavo vavasati na vavanuna lava a va khandziyile, kumbe, kumbexana vo tala va vona, ndzi nga ku, va vuye va pyopyiwa; hambi ku ri, va ri, hambi ku ri mufambisi na ndhuna, na hinkwavo ka vona. Kutani mintlawa ya vuyimbeleri yi sungule ku rhasisa vuyimbeleri bya—bya jeze, lebyi a byi ri vunyanyuri bya siku rero, tanahi laha hi nga na rock-and-roll namuntlha. Hikuva, a va hlayisekile, a va ri eka xikepe lexi vavanuna va nga nyiketa misava xikombiso xa vutlharhi bya vona, leswaku, “Xikepe lexi xi nga teka gandlati rihi na rihi kumbe lwandle rihi na rihi.”

⁴² Loko va ha ri eka xiculu lexi xa vudakwa, xi kongomile hunguva. Kutani un'wana wa tindhuna u vurile, leswaku, “Hi fanele ku kambela tinjhini.” Kambe matimba lamakulu ma ku, “Xi kongomisi, ‘Ku kongoma emahlweni!’ Hi fanele ku va ehlalukweni hikwalaho ka ku vitiwa kun'wana.” Loko xa ha nyupela eka hunguva, kukotisa loko xi ri n'winyi wa xiyimo, hi xitshuketa, xi bile gova ra ayisi, kutani xi rhelela ehansi ka mati.

⁴³ Kutani hi byeriwa hi muphati loyi a nga tsala risimu, "Xikwembu, hi voko ra Xona ra matimba, xi kombeta misava leyi leswaku yi nga ka yi nga yimi."

⁴⁴ Xikumiwa xa vona lexikulu xi yile ehansi ka lwandle, na dzana hi ka dzana ra vanhu lava pyopyiweke endzeni ka xona. Ntsena a swi nge tirhi.

⁴⁵ A ku ri mufi Adolf Hitler loyi a nga nyiketa vanhu va Majarimani xikombiso xa leswaku a ri ntiharhi, a tiva hinkwaswo mayelana na vutomi bya vusocha. Nakona, ehandle ka ku n'wi onha ndzhuti, a tiva swo tala hi mayelana na byona. Kambe u tiyisekisile vanhu va Majarimani, hi ku aka leswi hi swi vitanaka Maginot Line, kumbe Siegfried Line, laha a nga chela mabiliyoni ya tithani ta khonkhiriti na nsimbhi kun'we. U kombisile vutitshembhi bya yena eka swona, laha a nga susa mintsindza-nkulu ya yena ku ya entileni wa le mahlweni, laha tindzhawu ta swakudya na tindzhawu ta mabindzu a ti tirha ehansi ka misava, laha a va ri na mabiliyoni ya tithani ta nsimbhi na semendhe. Swi nga ri na mhaka leswaku a swi famba njhani, Jarimani a ri tiyisiwile. A ku ri xikombiso xa vuhalayiseki. Kambe xibulusi xa ximanguva-lawa xi swi bulusile ku ya laha ku nga Heriki, na Hitler a famba na swona.

⁴⁶ A ku ri Nimrod, siku rin'wana, loyi a nga vula leswaku u ta aka xihondzo lexi nga ta tisa vanhu va ka vona, a ta kombisa leswi a ta swi kuma hi vutlharhi bya yena. Nakona a lava ku aka xihondzo lexi a xi ta famba ku hundza mapapa, leswaku, loko vukarhi bya Xikwembu byi tshuka byi tile, a ta Xi tlhariheta. Hi vulavisisi bya yena bya xisayense, a ta vekela matamba na maribye hi ndlela leyi a ta kota ku yisa vanhu eku hlayisekeni, hi vutlharhi bya yena. Kambe swi yisiwile eka noto, hi mpfilumpfilu wa tindzimi, nakona a va nga ta swi kota hambi ku ri ku hetisa xihondzo.

⁴⁷ A ku ri Nebukadnetsar loyi a nga aka makhumbi ya Babylon, kutani a tibuma-bumela hi mayelana na wona. A ma kurile swinene, lero, ntsevu wa tihanci na tigolonyi a swi ta phikizana ku rhendzeleka hi makhumbi. Minyangwa ya wona a yi kurile swinene, kukondza vavanuna va julukela vutomi bya vona ehandle eka wona, va ri karhi va belela burasi eka minyangwa leyi a yi tika madzana ya tithani; edorobeni lerikulu, va tekile mintlawa ya vanhu ku yi susumeta yi pfuleka. A ku nga ri na loyi a ta khumbha Nebukadnetsar. Kambe vusiku byin'wana, eka xiculu xa vudakwa, va ri karhi va ehleketa leswaku va hlayisekile endzhaku ka makhumbi ya vona ma xisayense, na switlhavatlhavani swa siku ra vona, ku tile ku tsala ka Voko ekhumbini. Nakona ma herisiwile.

⁴⁸ Oho, hilaha munhu a nga ringeta hakona ku rhwala munhu ku ya eku hlayisekeni, ku va a tisusumetela eku hlayisekeni, hi swikombiso swa yena n'winyi swa xikumiwa. Swi tikomba tano,

hikuva vanhu va lava xikombiso, ku fanele ku va na xivangelo eka swona; nchumu wun'wana endzeni ka wanuna lowu nga ta vitana xivangelo kumbe xikombiso, ku suka kun'wana, leswaku a ta va a hlayisekile.

⁴⁹ Kutani Xikwembu xi vulavurile, xi ku, "Ndzi ta va nyiketa xikombiso lexi tshamaka hi masiku. Ndzi ta nyiketa Kereke xikombiso lexi tshamaka hi masiku." A xi nga vi khumbi lerikulu kumbe xihondzo. Xi te, "Wanhwana u ta tika nyimba, kutani a tswala Jaha, kutani a N'wi thya Vito ra 'Immanuel.' Xexo xi ta va xikombiso xa Xikwembu xa hilaha ku nga Heriki." Hilaha swi nga olova hakona! Hilaha swi nga swintsongo hakona!

⁵⁰ Xana wa swi twisia leswaku i swilo leswintsongo leswi u swi hundzaka na ku swi tshika, leswi swi vulaka swo tala swinene eka Xikwembu-ke? Xana kereke ya swi anakanya sweswo mixo lowu-ke? Eka xikumiwa xa hina tani hi vandla, na miako ya yena leyikulu na mintirho ya vutshila, hi le ku tshikeni ka swilo leswintsongo leswi swi vulaka swo tala swinene eka Xikwembu na swo tala swinene eka laha hi yaka kona hilaha ku nga Heriki. Hi tshika swilo leswiya.

⁵¹ Xikwembu xi ri karhi xi vula, leswaku, "Ndzi ta mi nyiketa xikombiso xa hilaha ku nga Heriki. Wanhwana u ta tika nyimba, kutani a tswala xihlangi."

⁵² Hikokwalaho ka yini, hikokwalaho ka yini xihlangi, hikokwalaho ka yini ku fanele ku va—ku va xihlangi-ke? Mutumbuluxi hi Yexe u fanele ku ta a ta hanya eka vutumbuluxi bya Yena, ku va xikombiso eka munhu-ke? Hikokwalaho ka yini ku fanele ku va xihlangi-ke? Hikokwalaho ka yini A nga te, "Ndzi ta aka xitepisi lexikulu, kutani hinkwenu ka n'wina... kukotisa norho wa Yakopo. Kumbe, Ndzi ta wisela ehansi ku suka eTilweni, ku suka etiphacisini ta le Tilweni, ntambhu, kutani ndzi mi nyiketa ntamu, leswaku, loko mi tikhweketa eka yona, Ndzi ta mi tlakusela ehenhla?"

⁵³ Kambe, U tile hi ku olova swonghasi. Kutani a ku, "Xihlangi xi ta tswariwa. Xexo xi ta va xikombiso. A xi nga ta va xikombiso ntseña, kambe xi ta va xikombiso xa le henhla." Xihlangi! Hikokwalaho ka yini, vutlharhi bya sayense byi nga ha hlekha emahlweni ka mianakanyo yo tano. Kambe, eka Xikwembu, a xi ri xikombiso xa le henhla. "Wanhwana u ta tika nyimba, nakona xihlangi lexi xi ta vitaniwa *Immanuel*, leswi hi nhlamuselo ku nga ta va, 'Xikwembu xi na hina.'" Xexo i xikombiso xa le henhla.

⁵⁴ Xikwembu xa Matilo, lexi hanyaka na vanhu, i xikombiso xa le henhla. A xi nga ta va xi ri xikombiso eka siku leriya ntseña, kambe eka siku leri na le ka masiku hinkwawo, leswaku Xikwembu xi hanya na vanhu va Xona. Immanuel, Xikwembu xi na hina, lexi i xikombiso xa le henhla. Lexi i xikombiso hilaha

ku nga Heriki, xikombiso lexi tshamaka hi masiku, lexi nga nyiketiwa hi Xikwembu.

⁵⁵ Kutani hikokwalaho ka yini Xi hundzukile ntshuri, ntshuri waluwa wa vutumbuluxi bya Xona N'winyi? Mutumbuluxi u hundzukile wona walowo, ntshuri wa vutumbuluxi bya Yena.

⁵⁶ Munhu a ri karhi a ringeta ku endla nchumu lowukulu. Kambe, loko Xikwembu xi nyiketile xikombiso, a xi ri nchumu lowuntsongo. Munhu u ringeta ku tirha hi timhaka letikulu. Xikwembu xi tirha hi mhaka leyintsongo. Munhu u ringeta ku vula leswaku, "Hikuva un'wana na un'wana u famba hi ndlela *leyi*, a hi endleni kukotisa leswi va endlisaka xiswona eHollywood." Xikwembu xi lava nhlayo leyintsongo. Xi lava ku-ku tshika swilo leswikulu hinkwaswo, ku amukela lexintsongo.

⁵⁷ "Xihlangi xi ta tswariwa, Immanuel lontsongo u ta tswariwa." Xikwembu xa vutumbuluxi xi hundzuka xiphemu xa vutumbuluxi bya Xona N'winyi. Xikwembu, Mutumbuluxi wa Matilo na misava, Loyi a nga endla ntshuri na minsinya, na swilo hinkwaswo leswi nga kona, u hundzuka xiphemu xa swona. Xexo xi ta va xikombiso, U ta ta hi ndlela ya xivumbiwa xa vumunhu.

⁵⁸ Sweswi, A ta va a tile hi ndlela yin'wana. A ta va a tile hi ndlela ya tin'wana, ya—ya tin'wana ta tindlela leti A nga na tonato ta hi tona.

⁵⁹ Kambe U hlawurile ku ta hi ndlela *leyi*, ku nyiketa xikombiso, xikombiso xa le henhla. "Wanhvana u ta tika nyimba, kutani a tswala Jaha, naswona va ta N'wi vitana 'Immanuel.'" Sweswi, xana a ku ri swa yini-ke? A ku ri xivangelo muni-ke?

⁶⁰ Hikokwalaho ka yini A nga langhanga ku hundzuka Ntsumike? A ta va a swi endlile. A ta va a tile a—a ri wanuna loyi a vupfeke hi ku hetiseka. A ta va a tile na ku losa loku ku hetisekeke ku suka hi le Tilweni, na Tintsumi na Swivumbiwa hinkwaswo swa Tilo; a veka ehansi ku suka ephacisini ya le Tilweni, xitepisi xa nsuku, nakona A ta va a xikerile ehansi na vuthu ra Tintsumi. A ta va a swi endlile.

⁶¹ Kambe U te, "Ndzi ta mi nyiketa xikombiso, xikombiso xa le henhla, xikombiso lexi tshamaka hi masiku. Wanhwana u ta tika nyimba, naswona u ta tswala n'wana."

⁶² Kutani loko A fanele ku hlawula ndzhawu laha n'wana loyi a ta tswariwa kona. A ta va a xikerile ehansi ka xitepisi, na ku losa loku hetisekeke ka le Tilweni. A ta va a xikerile ehansi ku suka eTilweni tani hi Ntsumi, kumbe ku xikela ehansi tani hi wanuna loyi a vupfeke hi ku hetiseka. Kambe Yena, na yena, a ta va a tile exigodlwensi xa hosi.

⁶³ Kambe U te, “Ndzi ta nyiketa xikombiso.” Nakona xikombiso xi byeriwile varisi, “Mi ta N’wi kuma exivaleni, a phutseriwile hi magume.” Xexo i xikombiso xa le henhla, lexi nga tswaleriwa ehenhla ka nhulu ya quva, na ku nuhwa ka dulu, a nga ri na swiambalo swo N’wi ambexa swona, Immanuel. Javulosi u lava ku endla swilo swi kula na ku vangama. Xikwembu xi veka swilo hi ku tsongahateka. Xikombiso xa le henhla, “Mi ta kuma xihlangi xi phutseriwile hi magume, xi etlerile exitsengeleni. Lexi xi ta va xikombiso, xikombiso xa le henhla.” Loko A ha ri emisaveni, A swerile ngopfu. Hi vulavula njhani hi nkarhi wo nonohwa-ke? Xana i mani Lontsongo loyike? I Yehovha!

⁶⁴ Yehovha Xikwembu xi hundzuka munhu, a teka xitoko xa hina, a titsemakanya Yena n’winyi ku suka eka Xikwembu, kutani a hundzuka munhu. Hi xexo xikombiso. Ku hundzuka... A xi ri Xikwembu, nakona xi hundzukile munhu; ku nga ri xifumi, kambe mupfumari. Lexi i xikombiso xa le henhla. “Mi komberile xikombiso,” ku vula Xikwembu, “Ndzi ta mi nyiketa xin’we, xikombiso lexi tshamaka hi masiku.”

⁶⁵ A xi ta va xi tile hambiswiritano, tanahi laha ndzi nga vula hakona, kambe, xihlangi, hikokwalaho ka yini Xi hundzukile xihlangi-ke? Loko luwa wuntsongo wo rhanga, nomo wa maphundu wu pfuleka exitsengeleni lexiya, eka mubedo wo rhanga wa n’wana... mixo wa Khisimusi ro rhanga, emubedweni wa Xona lowuntsongo wa xitsengele, na ku huwelela lokuntsongo ko rhanga loku ku nga suka eritweni ra Xona, xexo a ku ri Xikwembu xi rilaka. Yehovha a ri karhi a rila, wanuna; ku suka eka Xikwembu, nakona a xi ri munhu, vutlharhi hinkwabyo, munhu. Xi tile emisaveni xi nga ri na nchumu, kambe xi tama xa ha ri munhu. Xana a Xi ringeta ku endla yini-ke? Xana a Xi kunguhata ku endla yini-ke?

⁶⁶ Xi ririle kukotisa xihlangi, exitsengeleni. Xi tlangile kukotisa mufana, exitarateni. Xi tikarhatile kukotisa wanuna, kambe hambiswiritano a Xi ri Immanuel. Lexi i xikombiso xa le henhla. Xikwembu lexi tshamaka eka switumbuluxiwa leswi Xi nga swi tumbuluxa. Xikombiso xa le henhla, “Xi ta va xikombiso eka n’wina.”

⁶⁷ A xi ri mupfumari swinene, loko Xi ta emisaveni, Xi tile hi xivelekelo lexi lombiweke, xivelekelo lexi lombiweke xa wansati. Nakona a xi fanele na ku lomba sirha, ku va xi lahliwa eka rona. Xikwembu! “Wanhwana u ta tika nyimba, ehandle ka ku hlangana hi swa masangu.” Yehovha u lombie xivelekelo xa Mariya, wansati, ku endla ntirho wa leswaku A ta nyiketa xikombiso lexi tshamaka hi masiku. Nakona a pfumala swinene, emisaveni, endzhaku ka makumenharhu-nharhu wa malembe na hafu, ya ministri, A fanele ku lomba sirha ku va a lahliwa eka

rona. Xana wa swi anakanya-ke? U vulavula hi ku tika nyimba loku nga teng, u vula yini wena, hambiswiritano-ke?

⁶⁸ Xana a wu xi voni xikombiso xa xiviri-ke? I Yehovha loyi a nga hundzuka un'wana wa hina. Yehovha Xikwembu emisaveni, tani hi mubaleki, muendzeri etikweni leri A nga ri tumbuluxa; u ariwile, na ku susumetiwa, na ku hlekuriwa, na ku soriwa; Ribye leri khugulaka eka loyi a nga pfumeriki, Ribye ra nandzu; javulosi, eka misava ya swa vukhongeri. Kambe i xikombiso hilaha ku nga Heriki eka mupfumeri, "Xikwembu lexi nga na hina," xikombiso xa le henhla. Xana wa swi vona-ke? Xikwembu xi vonakarisiwile, Xikwembu xi tikombisile hi Xoxe eka misava, tani hi mubaleki. A xi ta va xi tile hi ndlela yin'wana, kambe xi langhile ku ta hi ndlela ley.

Yingisela Leswi. U nga Swi hupi.

⁶⁹ Ndzi ehleketa leswaku leswi Xikwembu a xi ri na swona emiehlekeweni ya Xona, a swi ta va swi tsakisa eka xivumbiwa xa ximunhu. Swi tano, eka mupfumeri. Swa tsakisa loko Xikwembu xa hina xi hundzuka un'wana wa hina. Kambe, eka lowo nonohwa, la nga ri ki na vukwembu, i xirhalanganyi. "Ndzi ta mi nyiketa xikombiso, wanhwana uta tika nyimba. Immanuel u ta va na n'wina." Xikwembu a xi anakanya leswaku swi ta tsakisa eka rixaka ra ximunhu, leswaku Xikwembu xa hina xi ta va un'wana wa hina, leswaku Xi ta titsemakanya Xona n'winyi kutani xi hundzuka ntshuri wa hina, leswaku Xi nga ha hundzuka xitoko xa hina, xitoko xa ximunhu; Mutumbuluxi Loyi a nga endla swilo hinkwaswo.

Nakona, nakambe, swi fikelerile vuprofeta. Vaprofeta va swi vonile.

⁷⁰ Kutani nchumu wun'wana, "Rito ri endliwile ntshuri, nyama, kutani ri tshama exikarhi ka hina." Yehovha, Rito ri hundzikile munhu, ri hundzuka ntshuri kutani ri tshama exikarhi ka hina. Xikombiso lexi tshamaka hi *Masiku*, "xi nga ka xi nga fiki emakumu." Oho, loko hi ehleketa hi xona, i xikombiso xa hilaha ku nga Heriki, xikombiso xa le henhla ka swikombiso hinkwaswo, Xikwembu xi ri karhi xi hundzuka un'wana wa hina.

⁷¹ Kutani, nakambe, A fanele ku va a ri Mbewu ya Abraham. Abraham, hakunene, a ri mbewu ya Evha. Evha... "A ku ri Mbewu ya wansati ley a yi ta faya nhloko ya nyoka." Kambe, Abraham, loko wo swi khoma, a ri na ripfumelo eka Xikwembu, leswi swi nga hlanganisa Moya wa Xikwembu na nyama ya munhu. Kwalano hilaha ripfumelo ri taka kona. Kwalano hikokwalaho A nga va Mbewu ya Abraham, ku nga ri nyama hinkwayo, kambe ku hlangana ka Moya na nyama kun'we. Xikwembu, xi ri karhi xi tiendla Xona n'winyi... ku handzulela, ku tsuvula vubihi hinkwabyo, ku tisa nyama eku

yingiseni, ntshuri lowu Xi nga wu tumbuluxa, na ku hanya na wena tani hi—hi muringani.

⁷² Nchumu wun'wana, a Xi kalanga xi nyamisa kumbe ku kaneta wihi na wihi wa milawu ya Xona. Xi nga ka xi nga swi endli sweswo. Swingaleswi, "Wanhwana. Ndzi ta mi nyiketa xikombiso." Ku nga ri Titanic, ku nga ri U.N., kambe, "Ndzi ta mi nyiketa xikombiso xa vuhlayiseki. Wanhwana u ta tika nyimba, kutani u ta tswala Jaha, kutani u Ri vitana 'Immanuel.'" Xexo hi xona xikombiso. Ina.

⁷³ Wa swi vona, eka milawu ya Xikwembu ya nkutsulo, tanihilaha swi nga va xiswona hi Boaz na Naomi, a ku fanele ku va xaka. Nakona ndlela yin'we ntsena leyi munhu a ta kutsuriwa hi yona, Xikwembu a xi fanele ku hundzuka xaka, ra lekusuhu. Ndzi lava leswaku mi swi vona. A xi kalanga xi hundzuka xaka, hinkwaswo-nkwaswo, eka swifumi, eka va matimba. Kambe Xi tswariwile exivaleni, xi phutseriwa hi xiambalo xa gume; ku nga ri eka ntswatsi, kambe eka n'wana. A xi ri Xikwembu ehenhla ka switumbuluxiwa. Xi langhile ku swi endla, ku nga ri ku ta tani hi wanuna loyi a nga vupfa a heleta. Xi tile leswaku Xi ta hlupheka hi matitwele ya swihlangi leswintsongo. Xi tile leswaku Xi ta hundza eka mindzingo ya vukondlo-a-ndzi-dyi. Xi ta famba, leswaku Xi ta gingirikela micingiriko na swirimba swa javulosi, tani hi wanuna, na ku endla ndlela eka vanhu va tinguva hinkwato, va tinguva hinkwato na mintlawa hinkwayo: swisiwana, swifumi, hinkwavo. Xi hundzukile xisiwana, leswaku, hi vusweti bya Xona, hina hi ta hundzuka swifumi na vadyandzhaka na Xona eka Mfumo. Xikombiso a xi ta nyiketiwa, ku va xi titsemakanya Xona hi xoxe, Xona hi xoxe xi tiendlela nchumu wun'wana lowu hambaneke ku tlula leswi a Xi ri xiswona; sweswi xikombiso xa le henhla, xi rila tani hi xihlangi, xi tlanga tani hi mufana, xi gingirika tani hi wanuna, kambe a xi ri Xikwembu lexi hanyaka swiyenge hinkwaswo swa vutomi kukotisa hilaha hi endlaka hakona.

⁷⁴ Wa swi tiva, Xikwembu xi nyiketile swikombiso swo tala swa leswaku a Xi ri Xikwembu. Xi nyiketile xikombiso eka misava ya le mahlweni ka ndhambhi, leswaku a Xi ri Xikwembu, Xikwembu xa ku avanyisa. Xi nwesisle vanhu hi masiku ya Nowa, na ku papamarisa lava lulameke engalaveni; xikombiso xa leswaku a Xi lulamile, naswona ku avanyisa a ku tiyile. Xexo i xikombiso, leswaku mudyohi un'wana na un'wana loyi a nga hundzukangiki u ta lova eku avanyisiweni, leswaku lavo lulama va ta ponisiwa hi tintswalo ta Xikwembu.

⁷⁵ Xi nyiketile xikombiso xin'wana eka xihlahla lexi pfurhaka. Xana a ku ri yimi loko Xi khoma muprefeta wa xona loyi a balekile, "Ndzi swi twile swirilo swa vanhu va Mina, kutani Ndzi tsundzukile ntwanano wa Mina"? Xi nyiketile xikombiso

xin'wana lahaba, leswaku a Xi ri Xikwembu lexi hlayisaka ntwanano, leswaku a Xi tsundzuka swilo hinkwaswo leswi Xi nga swi vula, xitshembhiso xin'wana na xin'wana lexi Xi nga xi endla. Xi nyiketile xikombiso exihlahleni lexi pfurhaka, "Nakona Ndzi xikerile ehansi ku ta va ntshuxa."

⁷⁶ Langutisa Xikwembu eka tindlela ta Xona ta ntirho. Loko Xi tumbuluxile Matilo na misava, Xi vitanile Tintsumi kun'we, kutani Xi ku, "A hi." Ndzhawu yin'wana na yin'wana eMatsalweni laha Xi nga endla swin'wana na swin'wana, ngopfu-ngopfu, "Ku nga ri Mina, kambe Tata wa Mina."

⁷⁷ Kambe loko swi ta eka kungu ra nkutsulo, Xi tile xi ri xoxe. A ku nga ri na loyi a ri na Xona. A ku ri Xona ntsena lexi a xi ta ta. Ntsumi a yi nga ta swi endla. Wanuna un'wana, loyi a vuriwaka n'wana wa Xona, a nga ta swi endla. Un'wana loyi a vitaniwaka swin'wanyana, wanhwana wo kwetsima, kumbe manana wo kwetsima, kumbe—kumbe mukwetsimi un'wana, a nga ta swi endla. Xikwembu a xi fanele ku ta! "Kutani Ndzi ta mi nyiketa xikombiso. Wanhwana u ta tika nyimba; nakona xihlangi xi ta tswariwa, kutani Xi ta va Immanuel, Xikwembu xi na hina," xikombiso xa le henhla. Xikwembu eka vanhu va Xona. Xikwembu na vanhu va Xona. Xikwembu xi hundzuka vanhu va Xona. Xikwembu na munhu swi hundzuka un'we. Xikombiso! Xirhalanganyi eka misava, kambe i ntshembho lowu katekisiweke eka mupfumeri. Xikombiso lexi nga ta vulavuriwa ku biha.

⁷⁸ Xi vile na nkarhi wun'wana laha Xi nga khorwisa. Xi khorwisile eka ndhambhi leswaku a Xi ri Xikwembu xa ku avanyisa, na Xikwembu xa ntsetselelo eka lava va hlayisaka Swileriso swa Xona.

⁷⁹ Xi kombisile exihlahleni lexi pfurhaka, hi xikombiso, leswaku a Xi ta hlayisa xitshembhiso xin'wana na xin'wana lexi Xi nga xi endla.

⁸⁰ Kutani eLwandle ro Tshwuka, Xi kombisile leswaku a Xi ta endla ndlela eka lavaya a va ringeta ku endla leswi lulameke na ku landzelela Xileriso xa Xona. Swi nga ri na mhaka leswaku i yini xi swi tsemaka, Xikwembu xi khorwisile eLwandle ro Tshwuka, na ku nyiketa xikombiso, xa leswaku Xi nga ri pfula lwandle. Eka ndzingo wun'wana na wun'wana, Xi ta endla ndlela yo baleka hi yona. U ri, "Manana a nga Swi pfumeli. Papa a nga Swi pfumeli. Kereke a yi Swi pfumeli." A ndzi na mhaka na leswaku i mani a nga Swi pfumeriki. Loko u Swi pfumela, Xikwembu xi ta endla ndlela yo baleka hi yona. Xi nyikile xikombiso xa leswaku Xi nga swi endla. A va ri endleleni ya vona, ku kongoma etikweni leri nga tshembhisiwa, laha Xikwembu xi nga va tshembhisa kona. Kutani Lwandle ro Tshwuka ri va pfalerile, naswona va nghanile ekhombyeni. A va nga tivi swo swi endla. Xikwembu xi kombisile leswaku

Xi nga endla ndlela yo baleka hi yona eka ndzingo wun'wana na wun'wana, ku ringetiwa kun'wana na kun'wana. A wu swi koti ku tshika ku dzaha? Teka Xikwembu kan'we. A wu swi koti ku tshika ku hemba, a wu swi koti ku tshika ku yiva, a wu swi koti ku tshika ximbilwambilwana? Teka Xikwembu u va na xona kan'we. Loko u nga titwi u lava ku ya ekerekeni, nakona u nga fiki helo; teka Xikwembu u va na xona kan'we, teka xitshembhiso xa Xona. Xi khorwisile, eLwandle ro Tshwuka, leswaku Xi ta endla ndlela yo baleka hi yona. Xikwembu xi nyiketile swikombiso swo tala.

⁸¹ Vusiku lebyiya loko Xi te eka varisi, "Rhelelani eBethlehema, hikuva hi siku leri ku tswariwile Kreste Muponisi. Kreste, Xikwembu lexi nga totiwa, siku leri ri tswariwile hi wansati." Xikwembu!

⁸² Ku nga ri ku n'wi endla xikwembu, sweswi. Ntsena Xi lombile xivelekelo xa wansati, ku fana na hilaha Xi lombaka miri *lowu* ku va xi chumayela Evhangeli ku suka eka wona. Ku fana na hilaha Xi lombaka miri wa wena, ku endla ntirho lowu Xi lavaka ku wu endla hi wena, hikuva Xi tama xa ha ri Immanuel, xikombiso, Xikwembu na vanhu va Xona. Xikwembu xi ri karhi xi hanya exikarhi ka vanhu va Xona, xa le henhla, xikombiso lexi tshamaka hi masiku. Xi nga ka xi nga tsandzeki. Xi ta tshama xi ri xikombiso.

⁸³ U vulavula hi mayelana na swikombiso leswi, lexi xona-ke? Loko u nga se kala u kuma xikombiso xihi na xihi, xikombiso xa ku vulavula hi tindzimi, xikombiso xa ku profeta, xikombiso xa xin'wana na xin'wana xa le henhla ka ntumbuluko, u ta fanela ku tlhelela endzhaku eka xikombiso xa xiviri, xikombiso xa hilaha ku nga Heriki na ku tshama hi masiku. Lulama, xo rhanga hi xona, kutani ehenhla ka masungulo yalawa, lawa ya nga Ribye ra ku hundza hi tinguva, kutani a ku na nchumu lowu nga ta kala wu ri khumbha. Minyangwa ya Tihele yi ta lwisana na rona, kambe yi nga ka yi nga hluli. Kuma xikombiso xexo. "Wanhwana u ta tika nyimba, kutani u ta tswala Jaha."

⁸⁴ Kutani Xi byerile varisi lava, "Leswi hi leswi mi nga ta N'wi kumisa xiswona. U ta va a ri exitsengeleni, edulwini, a phutseriwile hi xiambalo xa gume. Kutani loko mi N'wi langutisa, mi pfumela, hikuva hi Yena Xikwembu exikarhi ka hina."

⁸⁵ Xikombiso xexo a xi nga ri eka varisi ntsena. Kambe a xi nyiketiwile eka misava hinkwayo, ku va yi N'wi langutisa kutani yi vona leswaku A ri mani. I Xikwembu lexi nga na hina, Immanuel.

⁸⁶ Loko A ha ri kwala misaveni, U khorwisile leswaku A ri Xikwembu. U khorwisile leswaku Xikwembu a xi ri eka Yena, hikuva swikombiso swa Xikwembu a swi N'wi landzela. U te,

“Loko Ndzi nga endli mintirho ya Tata wa Mina, kutani mi nga Ndzi pfumeli. Kambe loko Ndzi endla mintirho ya Tata wa Mina, loko mi nga Ndzi pfumeli, pfumelani mintirho, xikombiso.” Immanuel! “Mina na Tata wa Mina hi un’we. Tata wa Mina u Ndzi rhumile. Nakona tanahi laha A rhumaka Mina, na Mina ndza mi rhuma. Tatana, la Ndzi rhumeke, u na Mina. U le ka Mina naswona u le ku endleni ka mintirho ya Yena n’winyi. I Xikwembu hi nyama.”

⁸⁷ Xana Loto a nga wu kumanga nantswo wa sweswo ku nga se fika ku herisiwa-ke? Loko, a ta vona Xikwembu xi tivonakarisile hi nyama, xi ri karhi xi dya rhole, xi nwa masi ya homu, xi ri karhi xi dya xinkwa ku suka exitikweni, kutani xi yima xi kombile nhlana wa Xona etendeni, na hi rivita-n’winyi “Mina.” “Mina, hi ku vona leswaku Abraham i mudyandzhaka wa misava, Mina . . .” Hi marito man’wana, “Ndzi ta swi tivisa eka yena.”

⁸⁸ Xana hi Yena mani? Kutani A ku, “Abraham, xana u kwihi nsati wa wena, Sarah?” Swi n’wi chavisile. Xikwembu, hi xivumbeko xo rhanga xa Kreste, xi endliwile nyama.

U te, “U le tendeni, endzhaku ka Wena.”

Sarah a hleka. Kutani A ku, “Hikokwalaho ka yini Sarah a hleka?”

⁸⁹ Loko Immanuel a ta hi xivelekelo xa wansati, ematshan’wini ya ku humeleta tani hi miri wa rito, U te, “Tanihi laha a swi ri hakona hi masiku ya Lot, swi ta va tano hi ku vuya ka N’wana wa munhu.”

⁹⁰ Loko A ri emisaveni, vaapostola lavaya va yile emahlwени na Evhangeli, laha hambi ti ri Tintsumi ti nga langutisa hi le henhla ka tinsimbhi ta switepisi swa le Tilweni, maphacisi ya Tiko ro Kwetsima, ku langutisa eka Swona. N’wina lava mi nga eku tsalenii ka Matsalwa ehansi, tanahi laha ndzi mi vonaka mi ri karhi mi tsala, Timotiya wo Rhanga 3:16. “Ehandle ka ku tengisana xihundla xa vukwembu i xikulu: hikuva Xikwembu xi vonakarisiwile enyameni, xi pfumeriwa emisaveni, xi voniwa hi Tintsumi.” Tintsumi ti tlakukile ku ta langutisa Xikwembu. Ti tshama ti ndzuluta swimhandzana swa tona emahlweni ka Yena, ti ri karhi ti huwelela, “wa kwetsima, wa kwetsima, wa kwetsima,” loko A ha tshamile Lahaya, tani hi Langavi ra Ndzilo, evukwetsimelweni bya le Tilweni. Kuteloko A hundzukile munhu, Tintsumi ti tile ti ta langutisa leswaku ti ta Nwi vona, Yehovha, loyi a endleke nyama. Hakunene, “Ehandle ka ku tengisana xihundla xa vukwembu i xikulu.”

⁹¹ “Ndzi ta mi nyika xikombiso lexi tshamaka hi masiku,” hikuva Xikwembu xi ti endlile nyama exikarhi ka hina. Xi tshamile enyameni. Swi ta va xikombiso lexi tshamaka hi masiku. Ku nga ri ntsena eka varisi ku va va languta kutani va

pfumela, kambe eka n'wina va Branham Tabernakele, na le ka misava leyи ya tihanyi, ku pfumela leswaku xexo i Xikwembu. Xikwembu xi nyiketile xikombiso xexo. Yesu u te, "Tanihi laha Tatana la hanyaka a nga Ndzi rhuma, na ku ta na Mina, nakona a ri eka Mina; na Mina ndza mi rhuma, Tatana la hanyaka ku va a famba na n'wina na ku va eka n'wina, xikombiso lexi tshamaka hi masiku. Swikombiso leswi swi ta landzela lava va pfumelaka. Vonani, Ndzi ta va na n'wina, hambi ku ri endzeni ka n'wina, ku ya fika emakumu ka misava. Ndzi ta va na n'wina. Makumu ya misava, Ndzi ta va na n'wina."

⁹² Un'wana, tanihi laha ndzi nga vula eku sunguleni, u lava ku N'wi endla lexintsongo, Xikwembu xo koma. A ri munhu; Xikwembu a xi tirhisa wanuna. Xikwembu a xi tirhisa nyama leyи Xi nga yi tumbuluxa, Xona n'winyi, leswaku xi ta tumbuluxa hi Yena, "Na ku tisa vana vo tala hi Yena," ku vula Matsalwa, "hi Jaha leriya ro yingisa. Hi jaha rin'we, hinkwavo va wile. Hi Jaha leri yingisaka, hinkwavo va ta hanya, lava va pfumelaka."

"Xikwembu lexi nga na hina," xikombiso, xi te xexo xi ta va xikombiso. U rhandzile swonghasi ku kongomisa eka Yena n'winyi tani hi "N'wana wa munhu," munhu Yena hi yexe, munhu ntsena. "A ndzi nchumu; N'wana a nge endli nchumu hi Yexe." Kambe i Tatana loyi a ri eka Yena, Immanuel, Xikwembu.

⁹³ Xi—xi xihlangi, Xikwembu, Yehovha Xikwembu. Xihlangi lexintsongo lexiya xi nga rila, a ku ri Yehovha. Xana wa swi vona-ke? Xikwembu a xi hanya endzeni ka xihlangi.

⁹⁴ Xikwembu a xi hanya eka kondlo-a-ndzi-dyi. Xana a Xi ri kondlo-a-ndzi-dyi wa muxaka muni-ke? Xi vekele xikombiso. Loko A ta va a lahlekeriwile hi tata wa Yena na mana wa Yena, va lavalavila hinkwako ku va va N'wi kuma, nakona va N'wi kumile etempeleni. Xana U te yini, tani hi kondlo-a-ndzi-dyi? "Xana a mi swi tivi? Xana a mi swi tivi leswaku Ndzi fanele ku va entirhwени wa Tata wa Mina xana?" Swikombiso eka vakondlo-a-ndzi-dyi.

⁹⁵ Tani hi wanuna, na hinkwaro bombo ra misava leri A nyiketiweke rona, swilo hinkwaswo swi tshamile emavokweni ya Yena, ku va a hundzuka lonkulu eka vavanuna hinkwavo, xifumi xo tlurisa eka vavanuna hinkwavo; Loyi a kota ku byela vanhu laha hlampfi a yi ri na xingwece enon'weni wa yona, a kota ku pompa mati yo antswa ku tlurisa eswhlobyeni kutani a ma hundzula vhinyo, loyi a kota ku cinca xilo xin'wana na xin'wana lexi A navela ku xi cinca; loyi a ta teka swikhekhani swa ntlhanu kutani a phemela ntlhanu wa magidi. Na matimba emavokweni ya Yena ku va a hundzuka wanuna lonkulu, kambe u tamile a langha ku va xisiswana. Na sirha a nga ri na rona loko A file. A fanele ku lomba rin'we. "Immanuel, lexi xi ta va xikombiso." Xana Xikwembu xi ta njhani? Eka swisiwana. Xana Xikwembu

xi tirha njhani? Xi ta va xikombiso lexi tshamaka hi masiku, na swisiwana, leswi nga dyondzekangiki.

⁹⁶ “Xikombiso,” ku vule muprofeta nkulu wa xisati, Ana, loko Simeon a tlakusile mavoko ya yena etempeleni, na ku tlakula ntsongwana Luya a ri eka xiambalo xa gume. Ana u ri, “I xikombiso lexi nga ta vulavula ku biha, eku weni ka Israel, kambe ku hlengeletana kun’we nakambe, na kona, Rivoni eka Vamatiko.”

⁹⁷ Yini? “Xikwembu xi na hina,” ku nga ri eka swifumi na vatikurisi, kambe eka swisiwana. U tswariwile exivaleni, “Xikwembu xi na hina.” Xana i swilo swa muxaka muni leswi A nga swi endla-ke? Langutisani swilo swa Yena leswi A nga swi vula. N’wi langutiseni, leswi A nga swi vula.

⁹⁸ Hikuva, Xikwembu Xona hi xoxe xi te, “Loyi i N’wananga loyi Ndzi n’wi rhandzaka, N’wi yingiseni. Loyi i N’wana wa Mina Loyi Ndzi tsakelaka ku tshama eka yena. N’wi yingiseni.” U te, “Ndzi ta va na n’wina minkarhi hinkwayo, hambi ku ri ku fika emakumu.”

⁹⁹ U rhumerile vaapostola va Yena. Va hisile misava, emasikwini ya vona, tanahi leswi Xikwembu a xi ri un’we na munhu. Va khuvurile vanhu hi Vito ra Xikwembu xexo, Yesu Kreste. Va hanyile ekusuhi ngopfu na Xona kukondza Xi tivonakarisa Xona hi xoxe hi vona, hi swikombiso na masingita na tinyiko ta Moya lowo Kwetsima. “Xikwembu xi na hina.” Va chumayerile leswaku a ku ri na Xikwembu xin’we xa ntiyiso lexi hanyaka.

¹⁰⁰ Munhu u akile tinxaka hinkwato ta swihondzo eka swikwembu swinharhu kumbe mune, kumbe swikwembu swimbirhi, kambe ku na Xikwembu xin’we. Hungu rero a ri ta pfuxetiwa hi siku ro hetelela.

¹⁰¹ Swa antswa mi pfulela ku ehleketa ka n’wina sweswi, mi pfula timbilu ta n’wina. Kombelani Xikwembu ku va xi mi paluxela leswi, leswi ndzi tilulamiselaka ku swi vula.

Loko A ta, U fikelerile leswi muprofeta a swi vuleke.

¹⁰² Kutani loko A ri karhi a vuya emasikwini yo hetelela, eka timpfula ta rihunga ta Xikwembu, laha havumbirhi mpfula yo rhanga na ya rihunga ti nga ta chuluriwa, U le ku vuyeni hi ku kongoma hi ndlela leyi ku nga profetiwa hakona hi ta Yena. “Ku ta va ni Rivoni hi nkarhi wa ni madyambu.” Xana a ku ta humelela yini-ke? Emmanuel, N’wana loyi a fanaka, Rivoni leri ri fanaka, Xikwembu lexi fanaka lexi xi nga ta xi ta tshama enyameni, na vanhu va Xona hi Siku ra Pentekosta, xi ta ta hi ndlela leyi mukhuva lowu fanaka emasikwini yo hetelela, hikuva ku ta va Rivoni ra ni madyambu. Xana i yini? Ku ta va na xikombiso, xikombiso lexi tshamaka hi masiku: Xikwembu lexi nga na hina, Xikwembu endzeni ka hina, Xikwembu ha hina.

Munhu na Xikwembu va hundzuka un'we. Yesu u file, laha A nga nyiketa vutomi lebyiya byo hlawuleka, hi xiboho xa Yena. (Eka Hungu ra Sonto lowu nga hundza.) Hikuva, U byi nyiketile hikwalaho ka xiboho, leswaku A nga ha tisa vana vo tala eka Xikwembu. Immanuel la nga na hina. Vanhu va Rivoni ra ni madyambu, a swi ta va koka rinoko.

¹⁰³ Loko Xikwembu xi nyiketile xikombiso, “Lexi xi ta va xikombiso. Xikwembu xi ta va xi ri karhi xi tshama enyameni.” A xi anakanya leswaku sweswo swi ta koka vanhu rinoko. Swi swi endlile. “Hikuva vunyingi lebyi byi nga N’wi amukela, U byi nyiketile Matimba ya ku va vana va Xikwembu.”

¹⁰⁴ Kutani swi fanele ku koka rinoko ra vanhu va Rivoni ra ni madyambu loko Rivoni leriya ri voninga. Xikwembu na Kreste i un'we. Petro u te, “A swi tiveki eka n’wina, leswaku Xikwembu xi endlile Yesu yaloyi a fanaka, Loyi mi n’wi vambeke, havumbirhi Hosi na Kreste.” Xikombiso, lexi vulavuriweke ku biha, kambe Rivoni ra ni madyambu ri kwala.

¹⁰⁵ Tani hi muminstara wa Evhangeli la nga lova, loko hungu ra xipentekosta ri ta sungula ku wa, mufi Dr. Haywood, ntsena ku nga se... Yena, ndza vhumbha, a nga... Kumbexana loko a ha ri kahle swinene, siku rin’wana loko Moya wu n’wi bile. A ri muphati, ehandle ka muchumayeri. U vutlike xitsalo xa yena kutani a xi tsarisa.

Ku ta va ni Rivoni hi nkarhi wa ni madyambu,
Ndlela yo ya evukwetsimelweni mi ta yi kuma
hakunene;
Eka ndlela ya mati ku ni Rivoni namuntlha,
Lahliwani eVitweni ro hlawuleka ra Yesu.
Lavantsongo na lavakulu, hundzukani eka
vudyoho bya n’wina hinkwabyo,
Kutani Moya lowo Kwetsima wu ta nghena
kona hakunene;
Hikuva Mavoni ya ni madyambu ya tile,
I ntiyiso leswaku Xikwembu na Kreste i un’we

¹⁰⁶ Mavoni ya ni madyambu! Loko hi ri karhi hi famba eRivonini ra ni madyambu, xikombiso xa ni madyambu, kutani a ku fanele ku va Rivoni leri fanaka na xikombiso lexi fanaka, xikombiso xa hilaha ku nga Heriki. Kutani swikombiso leswi fanaka swi ta landzela Rivoni ra ni madyambu. Yhuu! Xana wa Ri vona-ke? Xana wa Swi twisia-ke? Rero i Hungu eka Khisimus i leri. Mavoni ya ni madyambu, swikombiso swa Mesiya swi ri karhi swi Ri heleketa, swi heleketa Hungu. Mavoni ya ni madyambu ya kona kwala.

¹⁰⁷ Ri vulavuriwa ku biha. Va ta ku tsan’wa, vamakwenu va wena. Xana i va mani lava nga N’wi tsan’wa-ke? Vamakwenu wa yena. A va rhandza ku N’wi vona a endla mahlori. Kambe loko

swi ta eKhalivhari, xana a va ri kwihi hinkwavo-ke? Loko swi ta eka xinkadyana lexiya xo tika, laha Xikwembu eNtiyisweni wa Xona na Bibele ya Xona xi nga ta vonakarisiwa, xana va le kwihi-ke? Va tlhentlhela ekule.

¹⁰⁸ “Ku ta va na xikombiso lexi mi nga nyiketiwa xona. Nakona swikombiso leswi swi ta landzela. Mintirho leyi Ndzi yi endlaka, na n’wina mi ta yi endla; hambi ku ri yo tlula leyi, hikuva Ndzi ya eka Tata wa Mina.”

¹⁰⁹ “Ku ta va na Rivoni nakambe hi nkarhi wa ni madyambu.” Oho, siku leri ro dzwihala leri hi nga hundza eka rona! Kambe kwalomu ka makumemune wa malembe mapapa a ma ri karhi ma pfulekela endzhaku, hi ndzhundzhuluko wo rhanga, wa ku humelerisa Hungu ra leswaku Xikwembu na Kreste i un’we, leswaku Xikwembu xi ti vonakarisile enyameni. Xi langhile ku tshama enyameni ya munhu. Kutani namunthla va N’wi endla nchumu wun’wana lowu nga tshama exilovelweni, va N’wi endla nchumu wun’wana wa loko vuxokoxoko byi nga se kandziyisiwa, van’wana va vona va lava ku N’wi tlherisela eka mufilosofa, van’wana va lava ku N’wi endla muprefeta. Kambe, makwerhu, hi Yena Xikwembu endzeni ka wena, Xikwembu lexi ti vonakariseke enyameni. Njhani?

¹¹⁰ Xana va swi tivile njhani leswaku A ri Xikwembu enyameni-ke? U te, “Loko Ndzi nga yi endli mintirho ya Tata wa Mina, kutani Ndzi mi byerile swo hoxeka. Kambe loko Ndzi endla mintirho ya Tata wa Mina, mi yi pfumela.”

¹¹¹ Na sweswi i nchumu lowu fanaka. Hungu ri pfuxetiwile nakambe emasikwini yo hetelela, Hungu ra Loyi A nga yena, leswi A nga xiswona. Immanuel loyi a tshamaka endzeni ka wena, ni mitirho leyi fanaka leyi A nga yi endla, U tivonakarisa hi wena, swilo leswi fanaka leswi A nga swi endla. I Rivoni ra ni madyambu. Ku vulavuriwa ku biha. I ndlela yo nonohwa.

¹¹² A yi vula swin’wana eka mulawuri lontsongo wa xifumi, hambiswiritano mbilu ya yena a yi ri na ndlala, yo ya eka Yesu, kutani a ku, “Mudyondzisi, xana ndzi fanele ku endla yini ku va na Vutomi lebyi nga Heriki-ke?”

A ku, “Hlayisa Swileriso.”

A ku, “Ndzi swi endlile sweswo hi mpfhuka ka loko ndza ha ri n’wana.”

A ku, “U lava ku va la hetisekeke manuku?” A ku, “Ndzi landze.”

¹¹³ Kambe u yile ekule a ri na gome. A swi ri nxavo lowukulukumba ngopfu. Loko a lo N’wi nyiketa mali yin’wana na ku aka kereke leyikulu kun’wana, a tiveka tani hi xirho, a ta va a swi endlile hi ku olova. Xana a wu swi voni leswaku sweswo

swi fambelana njhani na namunlhha exikarhi ka swifumi-ke? A ku ri na van'wana.

¹¹⁴ Ku nga ri swifumi ntsena, kambe swisiwana; vo tala va vona ku suka emagojini ya ndzhope, na swin'wana na swin'wana, va arile hikokwalaho ka ndhuma. Hikuva, Yena a nga ri na ndhuma. A ri Immanuel. Va te, "Sweswo i ku sola. Yaloye i—yaloye i javulosi. Sweswo i vuhlai bya miehleketo. Yaloye i—yaloye i Beelzebub." Vadyondzisi va siku, tikereke ta vona letikulu, ti te, "Miharihari."

¹¹⁵ Kambe Xikwembu xi te, "I xikombixo xa hi laha ku nga Heriki, xikombiso xa le henhla, xikombiso xa swikombiso hinkwaswo, leswaku Xikwembu xi na wena, hambi ku ri endzeni ka wena, ku ya emakumu ka misava." Hi xexo xikombiso xa wena xa le henhla. Xi tlula swikombiso hinkwaswo. I xikombiso xo rhanga. Mintirho 19, vanhu lavaya a va fanele ku tlhelela endzhaku va ya lemuka xikombiso lexiya, loko va nga se kala va amukela Moya lowo Kwetsima, Mintirho 19:5. Hambiswiritano, mupfumeri loyi a ri na Bibele, na ku va na muchumayeri wa kahle loyi a ri karhi a khorwisa leswaku Yesu a ri Kreste, hambiswiritano loko va nga se nghena eka Wona... Naswona ku vona xikombiso, a va fanele ku ta va ta khuvuriwa hi vuntshwa, va tlhandlekiwa mavoko kutani va amukela Moya lowo Kwetsima. Walowo i ntiyiso.

¹¹⁶ Kambe hi nkarhi wa ni Madyambu, Mavoni ma kwala. Nakona Ra soriwa. Ri endlifa mafenya. Ri vulavuriwa ku biha. Muprefeta u te Ri ta vulavuriwa ku biha, "Ribye ra xirhalanganyi." Ri vulavuriwa ku biha, ri endlifa mafenya, ra soriwa; Immanuel endzeni ka hina, u le ku tirheni ka ku rhandza ka Yena ha hina.

¹¹⁷ Oho, namunlhha, makwerhu wa mina wa muendzeri, sesi wa mina, pfumela xikombiso xexo. Langutisa exitsengeleni xa mbilu ya wena n'winyi, kutani u vona loko u swi kota ku swi vula endzeni ka wena n'winyi. Vona xikombiso lexi varisi va nga xi vona. Xikwembu hi nyama, xi ri karhi xi tshama exikarhi ka swisiwana, vapfumari, vacukumetiwa. Vona loko u ta kota ku Xi twisia. Xikwembu embilwini ya wena, Xikwembu *lahawani*. Langutisa kutani u vona loko A ta tivonakarisa hi ku lulama Yena n'winyi, hi ku tsokombela na ku titsongahata, tanihi laha A nga endla hakona.

¹¹⁸ Malembe mantsongo lawa ya nga hundza, a ku ri na nhwanyana loyi a nga suka a ya ekholichi, kutani, na vanakulobye va yena vo tala lahaya, u hundzukile n'wanlhadyana, ku suka eka dyondzo ya khale ya tiko-xikaya ra yena leyti a ri na yona, tani hi manana ekaya ra le matiko-xikaya. Kutani siku rin'wana u kunguhatile, endzhaku ka malambe mambirhi, ku endzela mana wa yena nakambe. U n'wi tsalerile thelegramu kutani a n'wi byela leswaku u ta fika hi xitimela

xo karhi-na-xo karhi, ku va a n'wi hlanganisa exitichini. Hambiswiritano, u tisile n'wa-ntlhadyana un'wana na yena. Nakona a hundzukile n'wa-ntlhadyana, yena n'winyi. Nakona a tisile un'wanyana na yena, loyi a ri muxaka wa un'wana wa tifexini ta ximanguva-lawa, mativa-hinkwaswo, kondlo-andzi-dyi.

¹¹⁹ Kuteloko a fika exitichini, loko a sungula ku chika exitimeleni, u langutile. Kutani hi lahay a ku yimile mana wa yena, a langutile hi hinkwaswo leswi a swi ri eka yena, ku vona laha nhwana wa yena a ri kona. Kuteloko nhwanyana loyi a ri na yena, manana... a n'wi vona a ri na xikandza xa yena xi ri na swivati hinkwako, na mavoko ya yena ma tshwile hinkwako. Nakona a languteka a chavisa, a ri wa khale, naswona a nga languteki kahle. Nakona nhwanyana loyi a ri na Mariya lontsongo, a ku ka yena, “Ndza tivutisa leswaku nchumu luwa wa khale wo languteka ku biha i mani?”

¹²⁰ Kutani nhwanyana a khomisiwa tingana hi mana wa yena. U te, “A ndzi swi tivi. A ndzi swi tivi leswaku hi yena mani.”

¹²¹ Nakona mana wa yena, loko a vona nhwana wa yena, u n'wi tsutsumerile kutani a n'wi vukarha hi mavoko ya yena, a sungula ku n'wi tswontswa.

¹²² U n'wi susumeterile ekule, a ku, “A ndzi ku tivi. U kumile munhu wo hoxeka,” hikuva a nga lavi ku xakahatiwa na munhu wo tani hi loyi un'wana a ta n'wi hleka na ku n'wi endla mafenya.

¹²³ Ku kumeke ku ri na wanuna, mupfuneti wa xitimela, a yimile kwalahaya. U vutlide wansati luya lontsongo hi katla. A ku, “Wa nyumisa, wena nchumu wo nyenyetsa! Ndzi yi tsundzuka kahle mhaka ya kona.”

¹²⁴ Kutani vanhu va hlengeletanile ku va va twa leswi nga teka ndzhawu. Kutani u khomile nhwanyana lahay, kutani a ku, “Nhwanyana loyi lontsongo, loko a nga se va na ntsevu wa tin'hweti hi vukhale, a ri emubedweni wa yena wa vana le xithezini. Nakona mana wa yena wo hlawuleka, a ri wansati wo saseka ngopfu loyi ndzi nga tshama ndzi n'wi vona,” ku vula mupfuneti wa khale wa le xitimeleni. A ku, “Yindlu yi khomile ndzilo loko manana a ha aneka swiambalo. Nakona vamakhelwani hinkwavo va tsutsumile, va ri karhi va huwelela. Va swi vonile. Manana a nga kalanga a swi xiyisisa. A ku ri eka tlhelo ra rikupakupa ra yindlu. Kutani ndzilo wa matimba a wu khomile, nakona a wu yile emoyeni.”

¹²⁵ Kutani a ku, “A va swi kotanga ku khoma manana luya a pfundlukile. Xihlangi xa yena a xi ri exithezini.” Kutani a ku, “Hinkwavo ka vona va ririle, ‘U nge swi koti ku hundza eka malangavi lawaya—lawaya ya matimba.’ Kambe u vutlide lakani leri a ri ri evokweni ra yena, ku suka eku ma anekenai, nakona a ri ri lakani ro tsakama. Kutani u titsondzerile hi rona, kutani

a hundza hi le malangavini ya matimba, na ku ya exithezini, a nga ri eku ehleketeni hi nghozi ya yena n'winyi. Kuteloko a fika lahaya, a swi tiva leswaku a nga ta tiphtutsela hi lakani ku va a tlhelela endzhaku. Kambe, ku ponisa ku saseka ka nhwana wa yena loyi a ta n'wi landzela, u phutserile xihlangi hi lakani, kutani a tsutsuma ku hundza hi le malangavini ya matimba, a ri na xikandza lexi nga erivaleni na mavoko na swirho. Nakona wu hisile nhlonghe ku suka emirini wa yena, na ku khanyanisa marhamma ma yena ku ya emarhambyini ya yena, na ku n'wi onha, wu hisa misisi ya yena yi suka, na—na... marhambu hinkwawo erintihweni ra yena.”

¹²⁶ A ku, “U hundzukile lowo biha, leswaku u ta saseka. U lahlekeriwile hi ku saseka ka yena, u lahlekeriwile hi hinkwaswo leswi a ri na swona, leswaku a ta ku ponisa. Kutani u yima u khomiwa hi tingana hikwalaho ka manana luya wo hlawuleka-ke?”

¹²⁷ Makwerhu, loko ndzi vona Xikwembu, Xikwembu xa Matilo, xi lahlekeriwile hi xiluvelo xa Xona, ku saseka ka Xona, na hinkwaswo leswi a Xi ri xiswona; ku va xi tswaleriwa ehenhla ka nhulu ya quva, xi phutseriwa hi xiambalo xa gume, ku va xi endlifa mafenya hi swikombiso swa Xona na masingita ya Xona, ku va xi vitaniwa javulosi; xana ndzi fanele ku va ndzi khomiwa hi tingana hikwalaho ka Xona-ke? Ee, nkulukumba. Tshika misava ya xiyimo xa le henhla yi endla leswi yi lavaka ku swi endla. Eka mina, hi Yena xikombiso xa le henhla. Moya lowo Kwetsima eka mina wa kalakala. Wu nga ha ndzi endla ndzi tikhoma ku hlekisa na ku va wanuna wo penga, hi misava leyi, kambe ndzi nga ka ndzi nga N'wi tsan'wi Loyi a nga endla swonghasi eka mina. U tekile ndzhawu ya mina eka rifu. U tekile ndzhawu ya mina eKhalivhari. U endlile swilo leswi hinkwaswo. U tichichile ku suka eTilweni, ku suka eswiluvelwени swo basa kukotisa swa tiperla, ku ta hundzuka wanuna; ku ta ringa ku xaniseka ka mina, ku hundza hi le ndzingweni wa mina, ku tiva hi laha a nga va ka muxaka wo lulama wa muhlanganisi eka mina, ku ndzi fambisa na ku ndzi letela ku ya eVuton'wini lebyi nga Heriki. Nakona hi vusweti bya Yena, ndzi endliwile xifumi. Hi rifu ra Yena, ndzi nyikiwile Vutomi, Vutomi lebyi nga Heriki.

¹²⁸ U nga N'wi tsan'wi. U nga khomiwi hi tingana hikwalaho ka Yena. U nga khomiwi hi tingana hikwalaho ka Yena. Kambe N'wi vukarhi, kutani u ku, “Ina, Hosi ya mina leyi Rhandzekaka, ndzi nyiketi kukotisa hi laha va nga wu kuma hakona hi Siku ra Pentekosta, Hosi. Ndzi nyiketi Moya lowo Kwetsima. Wu chululeli endzeni ka mbilu ya mina. A ndzi na mhaka na leswaku vakondlo-a-ndzi-dyi va ri yini. A ndzi na mhaka na leswaku misava yi ri yini. A ndzi langutanga eka yona. Ndzi langutile eka Wena.” Xana i yini? Ku tihlanganisa na kereke? Ee. Xikombiso xa le henhla, Immanuel, Xikwembu lexi nga na hina.

A hi khongeleni.

¹²⁹ Eka vuyingiseri bya vanhu mixo lowu, ku nga va ku ri na van'wana lahayani lava va nga tsakelaka ku vula leswaku, "Eka mina, ndzi khomiwa hi tingana hikwalaho ka vutomi bya mina. A ndzi khomiwi hi tingana hikwalaho ka Yena. Ndzi khomiwa hi tingana hikwalaho ka vutomi bya mina," ku nyikela Yena Loyi a bihisiwile, na ku nyenyiwa hi misava?

¹³⁰ "Wanuna wa nhlomulo, loyi a tivaka maxangu. Hinkwerhu hi fihlile swikandza swa hina ku suka eka Yena," a ku vula muprefeta. "U soriwile na ku tshikiwa. Hambiswiritano, a hi ku Wa biwa na ku xupuriwa hi Xikwembu. Hambiswiritano, U tlhaviwile hikokwalaho ka ku homboloka ka hina, na ku tshoveleriwa hikokwalaho ka nandzu wa hina; nxupulo wa ku rhula ka hina a wu ri ehenhla ka yena, kutani hi mimpfembeti ya Yena hi horisiwile."

¹³¹ Xana u nga khomisiwa tingana hi Yena-ke? Loko u ri tano, tana ealtarini u ta hundzuka eka xidyoho xa wena. Loko u nga khomisiwi tingana hi Yena, nakona u khomisiwa tingana hi vutomi lebyi u nga byi nyiketa eka Yena, nchumu wo biha tano. U khomisiwile tingana minkarhi yo tala, emahlweni ka murhangeri; emahlweni ka vanghana va wena va vavasati, emahlweni ka munghana wa wena wa wanuna, emahlweni ka munghana wa wena wa nhwanyana kumbe munghana wa mufana. U khomisiwile tingana hi Yena, Immanuel la tshamaka endzeni ka wena. Yimisa mavoko ya wena kutani u ku, "Xikwembu, ndzi rivaleli ku va ndzi khomiwile hi tingana."

¹³² Hosi ya hina na Xikwembu xa hina, ha Ku kombela hi ku titsongahata na hi tintswalo to tlurisa leswaku u amukela ku tisola ka hina, mixo lowu, eka swihoxo swa hina hinkwaswo, hikuva hinkwerhu ka hina hi minkarhi hi va hi ri na nandzu. Hi na nandzu hikwalaho ka ku yimela Ntiyiso. Hi na nandzu. Loko va lava ku hi vitana mavito yan'wana yo biha, kukotisa leswaku, oho, "muvumbuluki wo kwetsima," kumbe nchumu wun'wana wo biha lowu nga ri ki tano, hambiswiritano hi tlhentlha kukotisa Petro na ku va hi tikufumeta endzilweni wa nala. Hi rivaleli, Hosi.

¹³³ Lembe lerintshwa ri le ku hi tshineleleni. Ingaku hi nga sungula eka yona awara yaleyi, kutani hi vona xikombiso xa le henhla xa Xikwembu exikarhi ka hina, Xikwembu lexi hanyaka exikarhi ka hina, lexi tshamaka eka hina, xi ri karhi xi endla, xi endla hi ku kongoma hi ndlela leyi Xi nga endla hakona. Nakona Mavoni ya ni madyambu ya kwala.

Hi rivaleli swihoxo swa hina. Hi rivaleli swidyoho swa hina.

¹³⁴ Nakona hi va hi tintswalo letikulu, Hosi, hi amukela Nyiko ya Wena ya Khisimus, N'wana wa Xikwembu, ku va a tshama enyameni ya hina, ntshuri wa hina, ku va a hanya na hina, a

basisa ndlela ya Yena hi Ngati ya Yena N'winyi, na ku hi nyiketa xitiyisiso xa Vutomi lebyi nga Heriki. Ha Ku khensa. Ndza Ku khensa, Hosi, hikwalaho ka Nyiko leyi yikulukumba yo saseka leyi humaka eka Xikwembu, hikuva hi Yona nyiko, nyiko ya Moya lowo Kwetsima, leyi nga phutseriwa eVitweni ra Hosi Yesu. Hi tsakile ku va hi Yi kumile. Ha Ku khensa hikuva kereke ya hina yi yimela xikombiso xexo, hikuva xikombixo xi yimela Dyondzo ya Kereke. Hi yimela Yona. Yi yimela hina. Nakona swa tiveka exikarhi ka Vakreste hinkwako-nkwako emisaveni namuntha, ya swisiwana, ntlawa wa vanhu lava nga tiviki nchumu e8th na Penn Street, eJeffersonville; leswaku Immanuel, Langavi ra Ndzilo ku suka emananga, Yesu wa Galeliya, Moya lowo Kwetsima wa Pentekosta, lowu nga vonakarisiwa hi swikombiso swa Immanuel eka Mavoni ya ni madyambu. Hi khensa swinene, Hosi. Nakona ingaku van'wana va nga Xi vona kutani va Xi amukela. Hikuva, ha swi kombela hi Vito ra Yesu, na hikwalaho ka Yena na hikwalaho ka Kereke. Amen.

¹³⁵ Ndzi navela onge ndzi nga va na rito ra muyimbeleri. Loko a ndzo va na rito ra muyimbeleri sweswi, a ndzi ta rhandza ku mi yimbelelela risimu ra mina ra xirhandzwa, leri tsariweke hi munghana wa mina wo hlawuleka, William Booth-Clibborn.

Ehansi ku suka evukwetsimelweni bya Yena,
xitori lexi hanyaka hi masiku,
Xikwembu na Muponisi wa mina u tile,
naswona Yesu a ku ri Vito ra Yena,
U tswaleriwile exitsengeleni, muluvisi eka va
ka Vona,
Xikwembu xa mahlomulo, mihloti na gome.

O hilaha ndzi N'wi rhandzaka ha kona! Hilaha
ndzi N'wi tsakelaka ha kona!
Vutomi bya mina, risana ra mina, hinkwaswo-
nkwaswo swa mina!
Mutumbuluxi lonkulu u hundzukile Muponisi
wa mina,
Vutalo hinkwabyo bya Xikwembu byi tshamile
eka Yena.

I ku tienhlisa muni, loku hi tiselaka ku
kutsuriwa;
Loko evusikwini bya rifu, ku ri ha va na un'we
la karhaleke eku tshembeni ka ku vona;
(Kutani rihati leri avaneke ri tile!)
Xikwembu, xo hlawuleka, xo olova, xi vekile
etlhelo ndhumya ya Xona,

U korhamerile exitsengeleni, xivala lexi nga tala hi quva, ku
va a ta tswaleriwa kona.

Xi korhamile ku ndzi yenga, ku wina ni ku
ponisa moy-a-xiviri wa mina.

Oho hilaha ndzi N'wi rhandzaka ha kona!
Hilaha ndzi N'wi tsakelaka ha kona!
Hefemulo wa mina, risana ra mina,
hinkwaswo-nkwaswo swa mina!
Mutumbuluxi lonkulu u hundzukile Muponisi
wa mina,
Kutani vuntalo hinkwabyo bya Xikwembu byi
tshamile eka Yena.

¹³⁶ Kutani U le ka mina, na mina ndzi le ka Yena. Na le ka n'wina . . . “Hi siku rero, mi ta swi tiva leswaku Ndzi le ka Tatana, Tatana u le ka Mina, na Mina ndzi le ka n'wina, na n'wina mi le ka Mina,” Xikwembu, Immanuel, la nga na hina.

¹³⁷ A ku ri Immanuel yaloye la nga vona George Wright, a tshamile lahaya sweswinyana; a etlele lahaya a ri eku feni, loko mune wa madokodela ya n'wi hundzile. A ku ri Immanuel yaloye, loko A ta fanela ku—ku lomba xivelekelo, loko A ta fanela ku lomba sirha. U lombile matihlo ya mina, a ku, “Famba u ya byela Makwerhu George, ‘LESWI KU VULA HOSI. U ta cela sirha ra vachumayeri lavaya na swilo leswi n'wi hlekulaka.’”

¹³⁸ A ku ri Immanuel yaloye. A ku ri Yaluya a fanaka, hi mayela na swihadyana, siku rin'wana enhoveni. A ku ri Yaluya a fanaka, hi mayelana na Margie Morgan la tshameke lahaya, lavan'wana hinkwavo. A ku ri Yaluya a fanaka la nga lomba dzano, switwi swa miri, ku tikombisa Yena n'winyi eka misava namuntlha, hi wena, loko Mavoni ya ni madyambu ya ha voninga. Xikwembu a xi ve na ntsetselelo, munghana.

¹³⁹ Ndzi le ku tekeni ka nkarhi wo tala swinene wa n'wina. A hi swi ringeten. Hi nyiketi khodo, “O hilaha ndzi N'wi rhandzaka ha kona!” Xana i vangani va ri tivaka?

O hilaha ndzi N'wi rhandzaka ha kona! Hilaha
ndzi N'wi tsakelaka ha kona!
Vutomi bya mina, risana ra mina, hinkwaswo-
nkwaswo swa mina!
Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

[Makwerhu Branham a sungula ku hama *Ehansi Ku Suka Evukwetsimelweni Bya Yena*—Muhleri.]

Hilaha ndzi N'wi tsakelaka ha kona!
Hefemulo wa mina, risana ra mina,
hinkwaswo-nkwaswo swa mina!

Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

¹⁴⁰ [Makwerhu Branham a sungula ku hama *Ehansi Ku Suka Evukwetsimelweni Bya Yena*—Muhleri.] Sweswi i nkarhi wa ku va Yena a kombisa tintswalo ta Yena. Manana u tisa xihlangi lexintsongo lahawani, lexi nga na mfukuzani ya ngati, mfukuzani engatini ya xona. Vubihi byo tano eka xihlangi?

Xikwembu, hi leri rito ra mina; vulavula Rito, kutani swi ta va tano.

Hikuva, Hosi, U te, “Byela ntshava leyi leswaku, ‘Suka.’ U nga kanakani. Yi ta va tano.”

Hi Vito ra Yesu Kreste, N’wana wa Xikwembu, ndzi tshinya javulosi loyi a vitaniwaka mfukuzani ya ngati. Vuvabyi bya miri wa n’wana loyi, byi ta famba. Byi boheka ku famba. Hi Vito ra Yesu Kreste, a swi ve tano.

Risana ra mina, hinkwaswo-nkwaswo swa mina!

Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

¹⁴¹ Hilaha ndzi N’wi rhandzaka hakona! Ntsena ndzi nga ka ndzi nga Ri tshiki. Ndzi lava ku, ntsena kukotisa Yakopo, ndzi khomelela eka Rona.

. . . N’wi tsakela!

Hefemulo wa mina, risana ra mina,
hinkwaswo-nkwaswo swa mina!

“Lexi xi ta va xikombiso.”

Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

¹⁴² Xana A nga kahle-ke? Xana a wu titwi ntsena u tsakela ku N’wi dzunisa-ke? Ntsena eMoyeni, ntsena ku N’wi dzunisa. [Makwerhu Branham a sungula ku hama, *Ehansi Ku Suka Evukwetsimelweni Bya Yena*—Muhleri.] Ntsena tirivali sweswi. U nga khomowi hi tingana. Moya lowo Kwetsima wu kwala. Walowo i Moya lowo Kwetsima. Ntsena hi ku titsongahata, hi ndlela ya wena n’winyi.

Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

Hi sweswo.

I ku tienhlisa muni, loku hi tiselaka ku kutsuriwa; ("Xi ta va xikombiso.")
 Loko evusikwini bya rifu, ku ri ha va na un'we la karhaleke eku tshembheni ka ku vona;
 Xikwembu, xo hlawuleka, xo olova, xi vekela etlhelo ndhuma ya Xona, (Ehleketa hi leswi Xi nga swi endla!)
 Xi korhamile ku ndzi yenga, ku wina ni ku ponisa moyo-xiviri wa mina.

¹⁴³ A hi yimiseni mavoko ya hina loko hi ri yimbelela.

O hilaha ndzi N'wi rhandzaka ha kona! Hilaha ndzi N'wi tsakelaka ha kona!
 Hefemulo wa mina, risana ra mina, hinkwaswo-nkwaswo swa mina!
 Mutumbuluxi lonkulu u hundzukile Muponisi wa mina,
 Kutani vutalo hinkwabyo bya Xikwembu byi tshamile eka Yena.

¹⁴⁴ Hosi, hi nge pfuki hi twisisile rifuwo, vutalo bya Moya wa Wena, kukondza hi N'wi vona hi siku leri A nga ta vuya hi rona. Hi nga ha va hi etlele entshurini. Ndzi nga ha boheka ku vuyela endzhaku eka ntshuri wa xiviri, kambe sweswo a swi nge ndzi vilerisi na swintsongo. "Ndza swi tiva leswaku U ta vitana, kutani ndzi ta hlamlula. Kutani ndzi ta N'wi vona hi xiviri xa Yena. Miri lowu wu bolaka wu ta cinciwा kutani wu endlwa kukotisa miri wa Yena N'winyi lowu kwetsimaka, hilaha A kotaka ku vekela swilo hinkwaswo ehansi ka Yena."

¹⁴⁵ Ndzi tshama ndzi tele ku khensa eka Wena hikwalaho ka nyiko ya Khisimusi ya Kresteembilwini ya mina, ku tiva leswaku i Kreste la fanaka, hikuva U endla nchumu lowu fanaka. U ndzi endla ndzi titwa na ku endla hilaha Yena a nga endla hakona eku sunguleni, eka nandza wa Yena.

¹⁴⁶ Ndza khensa hikwalaho ka Kereke ya misava hinkwayo, yo hlula, leyi ku nga khale yi kunguhatiwile, na ku vitaniwa, na ku lemeriwa, na ku vekiwa ximfumo eka Miri luwa. Ndza ti kuma eAsia, Afrika, Rhoma, hinkwako-nkwako, Indiana, ku hundza etikweni, Afrika. Hinkwako-nkwako ku rhendzeleka na misava, ndzi kuma Kereke liya yi hlurile, leyi yi swi tivaka leswaku Wena u tile enyameni. Nakona U vurile leswaku, "Moya wun'wana na wun'wana . . ." Ebibeleni ya Wena, U te, "Moya wun'wana na wun'wana lowu nga swi vuriki leswi, i moyo wo hoxeka, wa antikreste. Moya wun'wana na wun'wana lowu nga mbhoniyeleki nchumu lowu fanaka, leswaku Kreste u tile enyameni ya hina, i moyo wa antikreste."

¹⁴⁷ Tatana, Xikwembu, ndzi pfune ku—ku phekula vaseketeri-nkulu lavaya va nga le handle. Ndza va vona, Hosi, le handle. Vona va nhlokonho eminyangweni, langutisa eIndiya lahaya, eTaj, enyangweni, vambuyangwani lava kasaka ehansi, va nga riki na milenge. Vona vambuyangwani va vafana lavantsongo va vantima le Afrika, swivokwana swa vona swi ri karhi swi fikelela ehenhla. O Xikwembu, ndzi rhume, Hosi. Pfumelela Ntsumi yi ta na kala ra Ndzilo, hisa endzeni ka moyaxiviri wa mina, Hosi, kutani u humesela thyaka na ku lolohwa hinkwako ehandle, leswaku ndzi ta famba tani hi—hi museketeri-nkulu wa Xikwembu, ku ta hlomula endzilweni lavaya va nga emunyameni lowu nyenyetsaka.

¹⁴⁸ Katekisa kereke ya mina leyintsongo, Hosi. Oho, ndzi vona vuthala lebyintsongo bya mapa ya saha ku rhelela lahwani, na ku vona vanhu lavo hlawuleka. Vanhu lava hundzaka hi timovha ta vona, va ri karhi va va hlekula, hikuva va yimiserile mavoko ya vona ehenhla, va ri karhi va dzunisa Xikwembu. Kambe siku rin'wana Yesu u ta vuya, nakona swilo hinkwaswo swi ta lulamisiwa. A hi nge khomiwi hi tingana, Hosi. Hi ta tihlanganisa na Paul wa khale, kutani hi ku, “A ndzi na tingana hi Evhangeli ya Yesu Kreste, hikuva I Matimba ya Xikwembu eka ku ponisiwa, eka Vutomi lebyi nga Heriki, eka un'wana na un'wana loyi a pfumelaka.” Hi pfune ku hanya hi ndlela yaley, Tatana. Hi le ku gandzeleni ka Wena sweswi eMoyeni, eswivandleni swa le Matilweni. Ha Ku khensa eka vuendzeri lebyi mixo lowu. Hi Vito ra Yesu. Amen.

¹⁴⁹ Kan'we ntsena, u nga swi kota?

O hilaha ndzi N'wi rhandzaka hakona! Hilaha
ndzi . . .

Hosi Yesu, . . . ? . . . hi Vito ra Yesu.

. . . hinkwaswo-nkwaswo swa mina!
Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

¹⁵⁰ Ntsena ndzi lava swo tala swa Yena, a wu swi lavi wena, Doe? [Delores a ku, “Ina.”—Muhleri.] Yaloye i sesi wa mina, sesi wa mina hi nyama. “O hilaha . . .” N’wingi wa mina. Va lava swo tala swa Xikwembu. Makwerhu Grimsley u le ku teni, u lava swo tala swa Xikwembu. “Hinkwaswo swa mina . . .” Hi sweswo. Makwerhu Wood, u le ku teni. Makwerhu Collins, muchumayeri wa Mumethodist; nsati wa yena, van'wana. “. . . hundzukile Muponisi wa mina.” Leyi i mintirho ya Moya lowo Kwetsima lowu vitanaka, hi Woxe. “. . . tshamile eka Yena.”

O hilaha ndzi rhandzaka . . .

Ntsena swi kombise hi ndlela ya wena n’winyi sweswi.

Hilaha ndzi N'wi tsakelaka ha kona!
 Hefemulo wa mina, risana ra mina,
 hinkwaswo-nkwaswo swa mina!
 Mutumbuluxi lonkulu u hundzukile Muponisi
 wa mina,
 Kutani vutalo hinkwabyo bya Xikwembu byi
 tshamile eka Yena.

¹⁵¹ Hosi, Hosi, hi letiwani, tinyimpfu ta madyelo ya Wena. Va phameli, Hosi, hi Moya wa Wena. Va le ku tinyiketen i eka Wena, Hosi. Va le ku nyikeleni ka vutomi bya vona eka Wena. Va yimile hikuva a va khomisiwi tingana hi Evhangeli ya Yesu Kreste. Ha swi tiva leswaku U kona, Langavi lerikulu ra Ndzilo, Kreste, Moya lowo Kwetsima.

. . . N'wi tsakela!
 Hefemulo wa mina, risana ra mina,
 hinkwaswo-nkwaswo swa mina!
 Mutumbuluxi lonkulu u hundzukile Muponisi
 wa mina,
 Kutani vutalo hinkwabyo bya Xikwembu byi
 tshamile eka Yena.

¹⁵² [Makwerhu Branham a sungula ku hama *Ehansi Ku Suka Evukwetsimelweni* bya Yena—Muhleri.] Ntsena vulavula hi marito ya wena n'winyi sweswi. Walowo i Moya lowo Kwetsima lowu nga ku tisa lahawani. Ntsena Wu byeli leswaku wa Wu rhandza. Moya lowo Kwetsima lowu fanaka lowu nga va pfuxa hi Pentekosta, u yima kwala u ri karhi u rila, u ri karhi u humesa mihloti, u ri karhi u tlangela.

Mutumbuluxi lonkulu u hundzukile Muponisi
 wa mina,
 Kutani vutalo hinkwabyo bya Xikwembu byi
 tshamile eka Yena.

Ehandle ko sihalala, nyama na ngati i nchumu
 wa Yena, (xihlangi lexintsongo endzeni ka
 yena)
 U tekile xivumbeko xa munhu, a paluxa kungu
 leri fihliweke.
 O xihundla lexi kwetsimaka, Gandzelo ra
 Khalivhari,
 Kutani sweswi ndza swi tiva leswaku Wena u
 nkulukumba luya “HI MINA.”

O hi laha ndzi . . . O Xikwembu! Hi laha ndzi
 N'wi tsakelaka ha kona!
 Hefemulo wa mina, risana ra mina,
 hinkwaswo-nkwaswo swa mina!

Mutumbuluxi lonkulu u hundzukile Muponisi
wa mina,
Kutani vutalo hinkwabyo bya Xikwembu byi
tshamile eka Yena.

¹⁵³ O rirhandzu leri nga ta ka ri nga ndzi tshiki ndzi famba, rirhandzu leri ombaka mbilu ya mina ku hundza xilo xin'wana na xin'wana, ku tsokombela ka Vukona bya Moya lowo Kwetsima; loko kereke ya Xona ya ha yimile ku rhendzelaka na altari, yi ri karhi yi kombisa ku tsakela, yi langutile exitsengeleni, yi vona nchumu lowu fanaka na lowu tintlharhi ti nga wu vona, Xikwembu lexi endliweke nyama.

. . . hundzukile Muponisi wa mina,
Kutani vutalo hinkwabyo bya Xikwembu byi
tshamile eka Yena.

¹⁵⁴ Loko ku ri na xin'wana na xin'wana lexi nga hoxeka evuton'wini bya wena, xi vuli sweswi eVukoneni bya Moya lowo Kwetsima, loko ka ha miyerile. Langutisa embilwini ya wena, u vona loko ku ri na xitsengele kwallahaya lexi nga yimelaka ku soriwa, eku tivulenka wena leswaku hi Yena Xikwembu.

Vutalo hinkwabyo bya Xikwembu byi tshamile
eka Yena.

¹⁵⁵ Na tinhloko ta n'wina leti korhameke sweswi, ntsena nyikelani xikhongelo, n'wina vinyi. Lowu i Moya lowo Kwetsima. Xana a mi ku twi ku titsongahata na ku olova ka Moya wa Xikwembu, ku tsokombela, Vutomi lebyi byi tshama nkarhi wo leha-ke?

¹⁵⁶ "Laha ku nga na tindzimi, ti ta hela. Laha ku nga na vuprofeta, byi ta tsandzeka. Laha ku nga na vutivi, byi ta tsandzeka. Kambe loko rirhandzu ri tile, ri ta tiyisela hi masiku."

"Rirhandzu ri tiyisela nkarhi wo leha. A ri tilaveli swa rona ntsena. A ri tikukumuxi. A ri tikhomi ku biha, leswi nga fanelangiki. Kambe Ra hi tsongahata, ri hi tsokomberisa, ri nghenisa ku tsokombela eka moyo-xiviri wa n'wina."

¹⁵⁷ A hi khongeleni sweswi, un'wana na un'wana hi ndlela ya wena n'winyi, u ri karhi u khensa Xikwembu eka leswi Xi nga swi endla.

¹⁵⁸ O Hosi, eka ku tsokombela ka risimu leri, loku kombisiwaka hi tinoti, ku nga ri mpfumawulo lowu nga tivekiki, kambe mpfumawulo lowu vulaka, eka hina, leswaku Xikwembu xa hina i Mani, tanihi laha Rito ri nga swi kombisa. Sweswi vuyimbeleri bya swi kombisa. Sweswi timbilu ta hina ta swi kombisa, Hosi, malangutelo ya hina ku kongomana na Wena. Hi ta emahlweni. Va yima hi milenge ya vona. Va Ku rhandza. Swin've, Hosi, hi yima tani hi tinyimpfu ta Wena, tinyimpfu ta madyelo ya Wena. Ha swi rhandza Swakudya leswi, Swi kahle eka mimoya-xiviri ya hina. Nakona ha swi tiva leswaku Xikwembu xi hanya na

hina. Ha swi tiva leswaku Xikwembu xi chululeriwe eka Kreste, naswona Kreste u chululeriwe eka Kereke.

¹⁵⁹ Kutani hi yimile kwala namuntlha, loko tinxaka hinkwato ta vukhongeri, na tinxaka hinkwato ta—ta tidinominexini na swiyimo, tinxaka hinkwato ta vupfumeri, kambe hambiswiritano Rito ri tivulavulela hi Roxe, Xikwembu xi vonakarisiwile. Xikombiso xa le henbla leswaku Xikwembu xi tama xa ha vonakarisiwile enyameni ya vanhu va Xona, xi ri karhi xi endla swikombiso leswi fanaka na masingita, xi ri karhi xi humelela hi xivumbeko xa Papa, Langavi, xi tshama exikarhi ka hina, xi vonisia timbilu ta hina, xi hi vhumbhela swilo leswi swa ha taka, xi horisa vuvabyi bya hina, xi hi endla lavo bohiwa hi Tilo laha hi tirivalaka. Kukondza, hi endla swilo leswi nga tollovelekangiki, eka vana va misava; hilaha va yimaka hakona kutani va hleka, na ku ehleketa leswaku ha penga, ntsena tanahi laha va nga endla hakona ePentekosta, va ku, “Xana lava hinkwavo a va lo pyopyiwa-ke?”

Kambe hilaha ndzi N’wi rhandzaka ha kona!

Hilaha ndzi N’wi tsakelaka ha kona!

Hefemulo wa mina, risana ra mina,
hinkwaswo-nkwaswo swa mina!

Mutumbuluxi lonkulu u hundzukile Muponisi
wa mina,

Kutani vutalo hinkwabyo bya Xikwembu byi
tshamile eka Yena.

¹⁶⁰ Xana mi tlakusa mavoko ya n’wina sweswi ku va mi tshembhisa ripfumelo ra n’wina eka Xikwembu, ku hlambanya ka n’wina eka Xikwembu, ku tshembheka ka n’wina na ntiyiso wa n’wina eka Xikwembu, kereke hinkwayo-ke?

¹⁶¹ Hina sweswi, Hosi, ha titisa eka Wena, endzhaku ka nkateko lowu wa ku vonakarisiwa ka Vukona bya Wena, hi ri karhi hi swi tiva leswaku Xikwembu xi tama xa ha vonakarisiwa enyameni ya hina. Xi hundzukile ntshuri ra hina, Xi hundzuka xitoko xa hina; Xi titsemakanyile Xona n’winyi ku suka eka Xikwembu ku hundzuka munhu, leswaku munhu a ta hanya endzeni ka Xona. Nakona hi Ku twile mixo lowu, emimoyeni ya hina. Hi vona mintirho ya Wena na ku tivonakarisa ka Wena. Ha Ku rhandza. Ha titshembhisa hina vinyi hi vutshwa eka Wena: ku Ku xixima, ku Ku rhandza, na ku endla hinkwaswo leswi hi tivaka ku swi endla, leswi nga ta tsakisa, ku hanya vutomi lebyi nga ta kotisa bya Vakreste, lebyi nga ta ka byi nga tisi xisolo, kambe byi ta va nkateko eka Vito ra Wena lerikulu ro Kwetsima. Leswi ha swi endla, Hosi, tani hi vana va Wena, hi Vito ra Yesu Kreste. Amen.

¹⁶² Ndzi lava ku ku vutisa swin’wana loko u nga se teka vutshamo bya wena. Xana u tshama u twa nchumu wo tsokombela swonghasi-ke? Ku tsokombela ka Moya lowo Kwetsima! Ku nga ri na munhu la nga ta vula swo karhi; ntsena

ku tlakuka hi wexe, u ta emahlweni. Vukwetsimi bya Xikwembu! Wa vona?

¹⁶³ A ndzi ri karhi ndzi khongela na ku hlaya, masiku ma mbirhi, eka leswi. Ku tlula sweswo. Hi mpfuka ka Sonto lowu nga hundza, kumbe lowu nga hundza, ina, Sonto.

¹⁶⁴ Hilaha xikombiso xa le Henhla, hilaha Xikwembu xi nge te, “Ndzi ta va nyiketa xikombiso. Ndzi ta va enyameni ya vona. Ndzi ta kotisa vona; vona va ta kotisa Mina.” Xi te Tintsumi ti langutisile. Kumbe xi te . . . Tintsumi ti byerile varisi leswaku, “Langutisani exitsengeleni, mi ta vona leswi ndzi swi vulaka.” Xikombiso lexiya a xi nga ri xa Tintsumi ntseña. A xi nga ri xa varisi ntseña. I xa misava, ku ta vona na ku pfumela leswaku Xikwembu xi tshama enyameni.

¹⁶⁵ Nakona hi ku nyikeriwa ka nyama liya, Xi basisile nyama ya hina, leswaku Xi ta tshama endzeni ka hina. Xikwembu endzeni ka n’wina. Kreste endzeni ka n’wina. “Vonani, Ndzi na n’wina minkarhi hinkwayo, hambi ku ri ku fika emakumu ka misava.” Mi nga swi rivali leswi. Swi hlaiseni etimbilwini ta n’wina.

¹⁶⁶ Ndzi amukerile tinyiko ta matimba ta kahle ta Khisimus, khamera ya tifilimi, na swilo swin’wana swo tala, swibalesa na swin’wana, leswi vanhu lava va ndzi rhandzaka, va ndzi nyikaka swona. Hi laha ndzi swi khensaka hakona sweswo!

¹⁶⁷ Kambe, oho, lebyi, Vutomi lebyi nga Heriki, xitiyisiso lexi katekisiweke xa leswaku Kreste u hanya eka hina, leswaku ku hetiseka ka Yena ku tshama endzeni ka hina, ku hi endla hi tlakuka na ku tikhoma ku hambana. Hikuva, wena, loko u endla sweswo, u hundzuka mubaleki eka swilo swa misava. U hundzuka muendzeri. U tihlaya tani hiloko u file eka swilo swa misava, naswona u ri karhi u hanya eka vutomi lebyintshwa. Sweswi u wa matiko-mambe eka misava. U wa matiko-mambe hikuva u virile erivaleni, hi swendlo swa wena, leswaku, “Ku na Doroba Reri Muaki wa rona na Mutumbuluxi ku nga Xikwembu.” Wa vona? Nakona a wa ha ri na mhaka na swilo leswi swa misava, kambe hi vanhu lava bohiweke hi Tilo lava languteleke Doroba rero Muaki wa Rona na Mutumbuluxi . . . wa Xikwembu. Hina hi Mbewu ya Abraham hikuva hi pfumerile eka Hosi Yesu Kreste, nakona hi file eka swilo swa misava, kutani hi pfuxiwile nakambe eku pfuxeni ka ku tsakela ka Yena; ku famba kukotisa hi laha Abraham a nga fambisa xiswona, hi ri karhi hi langutela Doroba leri nga ta ta, hi ri karhi hi teka Rito ra Xikwembu, hi vitana swilo leswin’wana hinkwaswo leswi hambanaka, ku nyanyula tintsumi emakaya ya hina, kukotisa hi laha Abraham a nga endla hakona, varhumawa va Xikwembu, lava a va tisa hungu. Oho, i nkarhi wa njhani! Ku vula leswaku a ha ha lavi swo tala swa misava. Hi lava Yena, naswona Yena a ri yexe. Hi yena Muponisi wa hina.

¹⁶⁸ Loko u ri karhi u endzela ku suka emuakwini lowu mixo lowu, N'wi teki u famba na yena. U nga tshuki u Swi tshikile swi famba. Tsokombela eka moya-xiviri wa wena, masiku hinkwawo ya vutomi bya wena. Xikwembu xi ku katekisa sweswi loko wa ha ya evutshan'wini bya wena, naswona vana va na tinyiko ta vona. Xikwembu xi ku katekisa.

¹⁶⁹ I ku khongeleriwa-ke? Va pfuni va hundza lahwani, sesi. Ndzi ya eku khongeleni.

Hosi Xikwembu tsetselela makwerhu loyi. Susa moya wa vudakwa eka yena, Hosi. Ingaku a nga pyopyiwa sweswi hi Vhinyo ya Xikwembu. Hi Vito ra Yesu Kreste. Amen.

¹⁷⁰ Xana leswi a hi swa le Tilweni-ke? I vangani lava va twaka sweswo, ntsena leswi, ntsena ku tsokombela-ke? Ku ha va loyi a tivaka xo xi vula. A ndzi tivi nchumu xo xi vula. Ntsena ndzi—ndzi... Ndzi kayivela marito. A ndzi—ndzi swi tivi leswi ndzi nga swi vulaka. Ntsena ku va Moya wa Yena wu nghena endzeni, wa vona.

¹⁷¹ Xana i yini? Mi le ku hundzukeni ka swinyimpfana, naswona Tuva ri kona kwala ku mi yisa eSwakudyeni swa xinyimpfana, Swakudywa swa tinyimpfu. *Leswi* i Swakudya swa tinyimpfu, “Munhu a nge hanyi hi xinkwa ntsena, kambe hi Rito rin'wana na rin'wana leri humaka enon'weni wa Xikwembu.” Mimoya ya hina yi hanya hi Sweswo.

¹⁷² Ndzi ehleketa leswaku sweswi ndzi ta vona munghana wa mina wa kahle, Attorney Robinson, loko ntsena u nga yima emuakwini nkarhi wo leha ku ringanelu kukondza ndzi cinca swiambalo swa mina, ndzi vuyela endzhaku, hikuva ndzi julukile.

¹⁷³ Makwerhu Neville u ta yisa xikhongelo emahlweni sweswi, eka—eka tinyiko ta vana. Hosi yi ku katekisa.

¹⁷⁴ U tshama u ri karhi u yimbelela *Ehansi Ku Suka Evukwetsimelweni Bya Yena*. Loko u endla sweswo, tsundzuka leswi hi swi pfumelaka eka Yena, “Ku hetiseka hinkwako ka Xikwembu ku tshamile eka Yena.” Xikwembu xi ku katekisa, Makwerhu Neville.

¹⁷⁵ [Makwerhu Neville a vulavula na Makwerhu Branham—Muhleri.] Ina, loko u lava ndzi swi endla. [“Ina.”]

¹⁷⁶ Makwerhu Neville u ndzi vutisile loko ndzi ta kota ku vuya vusiku lebyi, nakambe, ku ta chumayela nakambe vusiku lebyi. Ndza swi venga ku teka xikhongelo xa yena. Kambe ndzi kona kwala, sweswo hi leswi ndzi nga tela swona. Hi swona, ndzi ta tlhela ndzi vuya vusiku lebyi, loko Hosi yi swi rhandza, ku ta vulavula exikhongelweni.



XIKOMBISO XA LE HENHLA TSO59-1227M
(A Super Sign)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, N'wendzamhala 27, 1959, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org